


# SHALOM

 Ke a go leboga, kudukudu, Ngwanešu Isaacson. [Ngwanešu Isaacson o thoma go bolela ka monna yo a na go le kankere. Ga go selo go lefelo la theipi—Mor] . . . Isaacson.

Moso o mobotse, bagwera, le ka dula fase. Ya. Go lokile go ba morago ka go lehlakore la morago la leganata. Le a tseba, re . . . Ke a dumela, nako ya go feta ke le fa, ke file lefelo le thaetlele, “lehlakore la morago la leganata.” Ke fao ka mehla re hwetšago mo—mo Morena, goba fao Go ilego gwa hwetšwa nako ye nngwe ge Moshe a dišitše dinku ka lehlakore la morago la leganata.

Moisa yo fa, ke mo topile godimo, go seipone sa ka morago, lebaka e se kgale, a e tla fase. Ke kwele, letšatši le lengwe, o be a le ka bookelong. Ke be ke mo rapelela, gomme šo o dutše fa, mosong wo. [Yo mongwe o re, “O lokile ka moka.”—Mor.] Gabotse, seo se lokile. Ke thabile bjang. O be a etšwa madi. Gomme kagona, re thabile bjang go mmona ka gare, mosong wo.

Maswabi ka go kwa ka ngwanešu yo a bego a na le rena, nako ya go feta fa, yoo a na go le kankere, ka sepetlele. Re a tseba gore re no ba le mokgoba o tee feela go tšwela ka ntle ga se, gomme mokgoba woo ke lehu. Leo, ka moka re swanetše go sepela tsela yeo, goba re ba go loka kudu, ba bakgethwa kudu ba rena, re a rwalana mmogo godimo ga lebitla la yo mongwe. Gomme go le bjalo Jesu o rile, “Yo a dumelago go Nna a ka se tsoge a hwa.” Eupša “lehu” leo le lego gona, ga se leo re le bitšago lehu.

<sup>2</sup> Bjalo ka ge Jesu a boletše mabapi le Latsaro, O rile, “O robetše.”

Gomme ba re, “Gabotse, re tla . . . O dira gabotse ge a robala.”

<sup>3</sup> Morago Jesu o rile, a swanela go ba botša ka polelo ba e tsebago, le a bona, “O hwile.” O rile, “Gomme ka lebaka la lena, Ke a thaba Ke be ke se gona, eupša Ke a ya go mo tsoša.” Le a bona?

<sup>4</sup> Gomme ke gona ge A dira setsopolwa sela sa go makatša seo re nago le sona ka go Lengwalo, “Yo a kwago, yo a dumelago go Nna, o na le Bophelo bjo bo sa felego; a ka se tsene ka go kahlolo, eupša o tshetše go tloga lehung go ya Bophelong. Ke nna tsogo le Bophelo. Yo a dumelago go Nna, le ge a hwile, go le bjalo o tla phela. Gomme mang le mang a phelago gomme a dumela go Nna, a ka se tsoge a hwa.” Le a bona? A ka se tsoge a hwa! Ga go na . . . Ka kgonthe ga go lehu go Mokriste. O . . .

*Lehu* le ra gore “Karogano ya gosafelego.”

<sup>5</sup> Gomme bjale bjalo ka ge re . . . hwa, bjalo ka go mmele wa tlhago bjalo ka ge re le bjale, re arogane o tee go yo mongwe.

Eupša, ka kgonthe ke mmele wo ke selo se nnoši seo se re tsebišago yo mongwe go yo mongwe, gobane re tlemeletšwe go dikwi tše tlhano: go bona, go latswa, go kgwatha, go dupa, le go kwa. Gomme ge feela re kgona go bona goba go kgwathana, gobaneng, re na le bohlatse gore re fakhwi. Ge o le sefofu gomme o sa kgone, gomme—gomme o sa kgone go bona, gona le kgona go kgwathana, gomme re. . . goba go kwa yo motee go yo mongwe. Gomme dikwi tša lefase di kwalakwatša e tee go ye nngwe.

<sup>6</sup> Eupša, ka kgonthe, ka serokaphatla, ga se nke ra tsoge re bonane. A le be le tseba seo? Ga se nke ra tsoge re bonane. O kwa se sengwe se bolela ntle ga mmele fakhwi seo se ekišago e ka ba eng se lego ka teng. Kafao gona ge re boledišana, ka kgonthe ga re—ga re bolele le mmele. Ke moya ka teng, eupša mmele ke selo se se tsebagatšago moya wo o lego ka teng. Gomme kagona, ge re boledišana, re. . . ka bjako re kgona go kwešiša ka pela ge e ba re Bakriste goba aowa, gobane go na le kopanelo ka go moya woo re bolelago go tšwa go. Le a bona, gore e thothomela go batee mmogo gore ge e ba re Bakriste goba aowa. Kagona ga se nke ra tsoge re bonane.

<sup>7</sup> Jesu. “Ga go motho yo a bonego Modimo le neng, eupša motswalwanoši wa Tate o Mo tsebagaditše.” Le a bona? Ka mantšu a mangwe, Modimo o ile a tsebagatšwa. Mo—mo Motho wa Modimo o ile a tsebagatšwa ka go Mmele, Morena Jesu Kriste, kafao O be a le seswantšho se se bonagaditšwego sa Modimo. Goba, Modimo a bonagatša Boyena ka seswantšho, le a bona, ka seswantšo, Monna. Modimo o iponaditše ka Boyena go rena, gomme O be a le Modimo. E sego motho wa boraro goba wa motho wa bobedi; O be a le Motho, Modimo. O be a le Modimo ka Boyena, a tsebagatša Boyena, gore re kgone go Mo kgwatha.

<sup>8</sup> Timotheo Wapele 3:16, “Ntle le ngangišano, ke gore manganga, sephiri sa borapedi ke se segolo, ka gore Modimo o bonagetše, goba go dirwa go tsebja, mo nameng.” A seo ga se makatše? Modimo! Gomme re ka se tsoge re kwešišitše Modimo bjalo ka ge A sepetše go kgabola Pilara ya Mollo, le go ya pele, bjalo ka ge A dirile. Eupša re Mo kwešišitše ge A e ba yo mongwe wa rena, le a bona, ge A e ba Motho. Gona O be a kgona go bolele le rena, le rena ra kgona go Mo kgwatha, go Mo swara, go Mo kgoma, le se sengwe le se sengwe. Gomme bjalo ka ge Lengwalo le bolela phatlalatša gore “re ile ra swara Modimo,” le a bona, ka diatla tša rena, ra Mo kgoma ka diatla tša rena.

<sup>9</sup> Modimo o ka go motho. Gomme O itsebiša ka Boyena lehono ka go kereke ya Gagwe. Ka go Mokriste a tswetšego leswa, Modimo o a tsebiša. Ka Boyena, gore O dula a le Modimo. Gomme lefase la ka ntle le tla tseba Modimo feela bjalo ka ge ba bona Modimo ka go wena le nna. Yeo ke tselo e nnoši yeo ba tla tsebago Modimo, ke ge re le mangwalo a ngwadilwego, mangwalo a Lengwalo, re balwa ke batho ka moka. Gomme bophelo bjo re bo phelago bo tšweletša seo se lego ka teng ga rena. Motho o

tsebagatšwa ka mediro ye a e dirago. Kafao mediro ya rena e swanetše e be ya go loka, le a bona, ka mehla ya go loka, ka gobane re emetše Morena Jesu Kriste wa rena legato.

<sup>10</sup> A selo se se makatšago seo sela se lego, ka go ikgetha ge mo—mo mokgalabje wa go swana le nna a eme fakhwi gomme—gomme a nagana ka bophelo bjoo bo nyelelago, bjoo bo sobeletšego kgale, gomme—gomme re lebane le bokamoso bja Bokagosafelego. Gomme re tseba ge bophelo bjo bo nnoši e le seo ke na go le kholofelo ka go, ke tla ba motho wa mahlomolapelo kudu mosong wo. Eupša go tseba gore bophelo bjo e bile feela mo—mo morithi wa tšeo re swanetšego go—go tla. Ke seswantšho, ka gobane e ka se kgone go ba selo sa go phethagala seo Modimo a se dirilego. Modimo ga a dire selo seo se senyegago. Le a bona? Modimo ke wa Bokagosafelego. Gomme, kagona, bophelo bjo re bo phelago bjale, bo no swantšha seo se lego pele ga rena. Bja kgonthe bjo bo sa hwego. Mmele wo o sa senyegego. Bophelo bjo bo ka se tšewego. Le a bona? Gomme kagona Mangwalo a lokile, ge Le re re na le Bophelo bja go ya go ile, re na le Bophelo bjo Bosafelego. Re ka se tsoge ra hwa. Le a bona, gobane o ba . . . Ge o tswetšwe leswa, o ba karolo ya Modimo. Le a bona, le go ya go ile wa Bokagosafelego, o ka se tsoge wa palelwa. O karolo ya Modimo, gobane o morwa wa Gagwe.

<sup>11</sup> Bjale, nka tšea leina le lengwe, gomme ka re leina la ka ke leina le le itšego. Nka tšea leina la mme wa ka, Harvey, leo e tla bago la kgauswiuswi go nna. Mo lefaseng, mme wa ka o be a le Harvey, gomme gona nka tšea leina la Harvey. Eupša go le bjalo madi a tla netefatša gore ke nna Branham. Le a bona? Gobane ke karolo ya tate wa ka. Gomme ge feela ke sa na le madi ka go nna, ke tla no fela ke le karolo ya tate wa ka. Le a bona, yeo ke nnete. Gomme ge ke tswalwa ka Moya wa Modimo, ke karolo ya Modimo, yeo ke ka moka; ke tsebagatšwa le Yena, le a bona, gore Yena ke Tate wa ka. Gona bophelo bja ka bo swanetše go bonagatša Yena; bjalo ka ge bophelo bja ka bo bonagatša tate wa ka wa lefaseng ka seswantšho seo a bego a le ka go sona. Ba re ke lebelelega ka gohle kudu go swana le tate wa ka, kafao gona kagona ke seswantšho sa gagwe se bonagatšwago ka go nna. Gomme tate wa gago—wa gago a bonagaditšwe ka go wena, le batswadi ba gago. Gomme, kafao, Modimo Tatawešo o bonagatšwa ka go rena ge re tswalwa le—le go tšea lebopo fa go seswantšho sa Gagwe.

<sup>12</sup> Bjale, ke thoma go bolela, nka se tsoge ke fihlile go sehlogo sa ka sa seo ke yago go bolela le lena ka sona.

<sup>13</sup> Ka mehla ke leboga kopano ya ka ntlong, kopano ya thapelo ya khotheje bjalo ka ye, bontši go feta—go feta ke a thanka batho ba ka kgona go nagana gore ke tla, gobane dikopano tše kaonekaone le dinako tše dikaonekaone tša kopanelo gantši ke ka go kopano ya thapelo ya khotheje bjalo ka ye. Fao ke

ikwetšego bokgauswiuswi go Modimo, ke ge feela paranyana ya badumedi e etla mmogo, gomme fao re a rapela.

<sup>14</sup> Bjale mosong wo, ke a kamaka re dutše fa, masometharo, masomenne, masometharo, ke a thanka, goba se sengwe bjalo ka seo, go balwa le bana. Nka se tsebe. Ga ke na bokgoni kudu go—go—go bala dinomoro, go no lebelela godimo ga sehlopha se sennyane sa batho, gobane go na le diphapuši tše dingwe fa, le a bona, tšeo ke sa bonego batho ka go tšona. Bjale, eupša ge re etla mmogo bjalo ka se, ke kwa gore re hwetša go batamelana moo re sa go hwetšego ge re le ntle ka go ye kgolo, ye tonagadi phuthego. Re, kgona go itlhagiša ka borena. Ke ka lebaka leo, mosong wo, gore ke gopotše, go tla fase fa, gore nka bolela le phuthego fa mosong wo, le go modiša wa yona yo monnyane wa morategi. Ke thabile bjang go bona ba bantši ba bagwera ba ka fa, Strickers le ka moka bao—bao ke sa nkago ka ba bona nako ye itšego.

<sup>15</sup> Gomme ke tla bolela le lena mosong wo Molaetša wa ka wa ngwaga wo moswa woo ke beakantšego go o bolela Lamorena le le tlogo morago ga sekgalela go kopano kua Phoenix, ka go otitoriamo. Gobane, ka gare fa, ke naganne mohlomongwe ba dira ditheipi ntle fale ka ona. Gore nna . . . Mohlomongwe Moya wo Mokgethwa o tla mpha kgo—kgo kgopolo ye kaone fa makgatheng a feela sehlopha sa badumedi, go feta e ka ba kua Phoenix makgatheng, le a tseba, fao go dumela le go se dumele, le ditumelo khwele le—le se sengwe le se sengwe di tswakilwe mmogo. Gomme gona ge baena ba bile, le go dumelela ditheipi ntle, gore e tla ba—e tla ba kaone go e dira ka tsela yeo, gobane le tla ba le theipi ye kaone go tšwa fa. Ke kgopetše bašemane go lekola ditšweletšamedumo pele. Gomme ge ke etla mo mosong wo, Ngwanešu Terry o mpo ditše gore ditšweletšamedumo di lokile. Kafao, seo—seo se gabotse. Kafao bjale sa pele a re, pele re batamela setswalle sa boikgetho, gomme ke a tseba . . .

<sup>16</sup> Ke a dumela a rile ba bangwe ba lena ba a šala go dijo tša matena, le ya go ba le dijo tša matena fa mo lebaleng goba kua ntlong, goba felotsoko, mmogo. Seo se lokile kudu. Ka kgonthe ke no kgahlega go le bona ka moka le etla mmogo.

<sup>17</sup> Gomme ke kwa gore—gore Molaetša wa ka mosong wo o lebišitšwe go Kereke ya Modimo yo a phelago, le a bona, gomme yeo ke dumelago ye ke seripa sa yona se dutšego fa mosong wo. Gomme bjale pele re etla go karolo yela ya boikgetho, a re obamišeng dihlogo tša rena sebakanyana go thapelo.

<sup>18</sup> Tatawešo wa Legodimong, re Go leboga kudu, gore ebile re ka ba le monyetla go bitša Wena bjalo ka Tatawešo, ka gore *Tate* go ra gore re bao re belegwego ke Modimo yo mogolo yo a hlotšego magodimo le lefase. Gomme re thabile bjang go monyetla wo, gore re ka kgona go nagana ka go dipelo tša rena, gomme, gona, gore re barwa le barwedi ba Gago. Gomme gona

go bona Wena o itsebagatša ka maatla ka Bowena mo magareng ga rena, gore Wena o Tatawešo, o fetola menagano ya rena go tloga go dilo tša lefase, le go fetola maikemišetšo le maikaelelo le maitshwaro, le legato le lengwe le le lengwe la rena, go rata Wena le go dumela Wena, le—le go tseba gore ditshepišo tša Gago ke therešo.

<sup>19</sup> Re kgobokane fa mosong wo mo lefelong le leo re le bitšago “lehlakore la ka morago la leganata,” goba ke le bitša seo, ke nagana seo. Lebaka leo ke bolelago seo, Morena, ga se go tšweletša se se itšego godimo ga sehlopha se se sennyane sa batho, eupša, go se itšego seo se ka bago ka tlhago sa go ba se sennyane.

<sup>20</sup> Eupša ke leka go nagana gore e be e le Moshe, mohlanka wa Gago, a le ka lehlakoreng la ka morago la leganata, mohlomongwe feela yena le dinku tša gagwe, mohlomongwe mosadi wa gagwe, Tsipora, le—le—le Gerisome, morwa wa gagwe, a ka be a bile mmogo. Ke . . . Seo ga ke se tsebe. Eupša e bile fao moo ba bilego le boitemogelo bjoo bo fetotšego moprofeta, go tloga go lefšega la go tšhaba, go tirelo ya Modimo yo a mo hlaoletšego modiro, ka lehlakoreng la ka morago la leganata. E bile fao moo—moo Pilara ya Mollo yeo e ilego ya bonagatšwa lekga la mathomo bophelong bja motho, leo re tsebago ka lona, Mollo wola o be o robetše ka go sethokgwa se sennyane sa leganata, gomme se sa swe. Eupša—eupša e be e le Letago la Modimo le itšweletša ka Bolona go kgabola sethokgwa sela; gore Moshe moprofeta a role dieta tša gagwe, a batamela kgauswi le Wona, gomme a laelwa ke Modimo go lokolla setšhaba sa batho ba Modimo.

<sup>21</sup> A nke go be bjalo le lehono, Morena, ka go lehlakore la ka morago la leganata gore bjalo re a rola, bjalo ka ge go bile, dieta tša rena, dikefa tša rena, ka moka tša rena, le go e bea fase ka tlase ga sefapano sa Kriste, gomme ra re, “Ke nna yo, Morena, nthome.”

<sup>22</sup> Šegofatša modiša yo fa, Ngwanešu Isaacson wa rena, ngwanešu. Re a rapela gore O tla mo šegofatša le mosadi wa gagwe, le ba bannyane ba gagwe; Ngawnešu Stricker, mosadi wa gagwe le ba bannyane; le ka moka ba bangwe bao ba emetšwego fa mosong wo.

<sup>23</sup> Gomme re kgobokane fa; aowa, Morena, e sego go letago le legolo le le itšego, goba go tsebja bjalo ka baetapele goba—goba ba itšego . . . moemedi wa se sengwe se segolo. Rena re no—re no ba fa bjalo ka badumedi ba go ikokobetša. Rena re fa gobane re a Go rata, gomme re a ratana. Gomme re a bonana gomme bjalo ge re phuthegela mmogo, re hwetša gore go bonala kudu go ba ga Modimo go kgobokana mmogo bjalo ka ge modumedi yo mongwe le yo mongwe a ikgobokanya ka boyena go lefelotsoko le itšego.

Gomme Jesu o rile, “Ge le ka dira se ka Leina la Ka, gona Ke tla ba magareng ga lena.” Gomme re tseba gore O fa.

<sup>24</sup> Bolela le rena, Morena. Gomme ge noutso tše nnyane tše tšeo ke di ngwadilego fa, le Mangwalo go lebelela go ona, a tšwile tseleng, mosong wo, ya monagano woo O nyakago re o nagana, gona, Morena, re no tlogela woo, gomme ra dira bjalo ka ge O re botša go dira. Re šegofatše bjale, ka gore re kgopela se ka Leina la Jesu Kriste. Amene.

<sup>25</sup> Bjale, go go baleng ga Lengwalo, go be go fela go e ba gore ke . . . pele ke hwetša go gola kudu bjalo go nna, gore ke kgona go elelwa gabotse. Gomme go ona matšatši, ke . . . matšatši a mafa, ke be ke sa tšee molaetša wo motelele, mohlomongwe metsotso ye masometharo goba se sengwe, ke tsepelela thwi ka go kgopolo e tee gomme ke e boloke go mogopolo wa ka. Eupša bjale . . . lebaka ke swara dikopano tše tše telele bjale, ke ka gobane ke a theipa. Le a bona? Gomme theipi ye, bašemane fale ba o theipa, e tla e thoma ka nako ye itšego, mohlomongwe gonabjale, mo mathomong a thapelo, gomme e ya go a mantši, a mantši mafelo, go dikologa lefase ka kgonagalo. Kafao bjale re ya go bolela mosong wo go ya ngwaga wo moswa wa ka . . . seo re se bitšago Molaetša wa ngwaga wo moswa. Ke lekile, ke bile le melaetša ye meraro ya Krisemose, gomme ke a le tseba lena batho fase fa ka lehlakore la morago la leganata le hwetša ditheipi tše. Gomme go Molaetša wa ka—wa ka wa go feta godimo kua kerekeng, goba go latela Molaetša wa ka wa go feta, e be e le ka *Seetša*. Gomme ge e ba ga o na theipi yeo, ke na le kgonthe o tla e thabela. Ke ipshinne ka yona kudukudu, tšhušumetšo ya wona, Modimo o mphile.

<sup>26</sup> Bjale lehono, bjalo ge re lebane le ngwaga wo moswa, ke—ke nyaka go nagana e sego go swana le nako ya go feta, eupša ke nyaka go lebelela go ka moso. Le a bona? Bjalo ka Paulo ge a rile, “Re lebala dilo tšeo tšela di fetilego, ke phegelela go leswao, le a bona, la pitšo ya godimo.” Gomme bjalo ka ge e hlagišitšwe, go swana le go lebelela morago ka seipone sa sefatanaga. Re lebeletše seo re se fetilego, ge re lebeletše go seipone sa go bona morago. Bjale ga re leke go bea Molaetša lehono bjalo ka go lebelela ka seipone sa go bona morago. E ka tšea botelele kudu, le a bona, dilo tšeo Morena a di dirilego. Gomme lena ka moka le tlwaelane le dilo tše kgolo tšeo Morena wa rena a bego a di dira, ke tše dingwe tša dilo tše kgolokgolo tšeo ke di bonego mo bophelong bja ka, Yena a no—a no feta mo dikgweding tše mmalwa tša go feta. Gomme, eupša bjale re leboga go seo se bilego, eupša bjale re lebeletše pele. Re lebeletše fao re lebilego, gomme ka go 1964 ye.

<sup>27</sup> Gomme bjale ge lena fa le rata go bala, goba—goba, ke rata go bala Mangwalo a itšego, gobane ka moka tše di theilwe godimo ga Lentšu le Lekgethwa la Modimo.

28 Gomme e ntlogelela bjale e ka ba iri le metsotso ye lesometlhano, go theipi ye. Gomme, Modimo ge a rata, ke tla leka go e tliša ntle gore le kgone go ba le matena a lena. Ke a le leboga go mpotša gore e bile le go fihla ka iri ya boselela bošegong bjo. Seo se bile se sebose kudu.

29 Bjale a re phuthulleng ka go Beibele go mafelo a mabedi, dipuku di dutše kgauswi mmogo. Ke go Testamente ya Kgale. Ke tšea palo go go bala, go tšwa go mafelo a mabedi, Jesaya 62 le Dipesalome 60. Bjale Jesaya 62, re tla phutholla go bala pele. Gomme ka go le, re a gopotšwa ka ga maatla a magolo a Morena Modimo wa rena, gomme ka fao—ka fao A lego yo mogolo, le ka fao Modimo wa rena a lego yo maatla ka gona. Ke maswabi, ke Jesaya 60 sebakeng sa 62. Jesaya 60. Go lokile, bjale re bala le, Jesaya 60:1 le 2.

*Tsoga, gomme o phadime; ka gore seetša se tlile, gomme letago la MORENA le tsogile godimo ga gago.*

*Ka gore, bona, . . . leswiswi le tla khupetša lefase, gomme leswiswi la kgotlombo batho: eupša MORENA o tla rotoga godimo ga gago, gomme letago la gagwe le tla bonwa godimo ga gago.*

30 “Kgotlombo ya leswiswi godimo ga batho.” Ya se, gobane, se ke seprofeto sa letšatši leo bjale re phelago ka go.

31 Bjale a re phutholleng ka go Dipesalome. Ke a dumela gore nka no ba ke gakanegile gannyane fao ke ngwadilego Mangwalo a ka fase fa, ge ke le lebelong bošego bja go feta go a ngwaleng, go ngwaleng ntle se. Dipesalome 62:1 go fihla go 8.

*Ka nnete soulo ya ka e letile godimo ga Modimo: go tšwa go yena go tla phološo ya ka.*

*Yena a nnoši ke leswika la ka le phološo ya ka; ke tšhireletšo ya ka; nka se šuthišwe gagolo.*

*Ke ga kaakang le tla gopola go seleka kgahlanong le motho? le tla bolawa ka moka ga lena; bjalo ka lebotu la go inama—go inama le tla . . . ba, gomme bjalo ka legora la go sekama.*

*Ba no botšišana go mo wetša fase go tloga go bogolo: ba thabela maaka: ba šegofatša tša bona . . . ka melomo ya bona, eupša ba rogana ka gare. Selah.*

*Soulo ya ka, leta feela godimo go Modimo; ka gore tša ka ditetelo di tšwa go yena.*

*Yena a nnoši ke leswika la ka le phološo ya ka: ke yena tšhireletšo ya ka; nka se ke ka šuthišwa.*

*Go Modimo go phološo ya ka le letago la ka: leswika la maatla a ka le setšhabelo sa ka, se go Modimo.*

*Tshepela go yena ka dinako ka moka: lena batho, tšhelang ntle tša lena, dipelo pele ga gagwe: Modimo ke setšhabelo sa rena. Selah.*

<sup>32</sup> Bjale, ge le hlokometše go palo ya Lentšu fale go Dipesalome, e dutše e re, “Modimo ke leswika la ka.” Le a tseba se leswika le se emelago ka go Beibele? *Leswika* ka go Beibele, fa, le emela “kutollo ya Modimo.” Le a bona, “Modimo ke kutollo ya ka.” Ke Yena, le a bona. Kutollo ya Lentšu ke leswika.

<sup>33</sup> Gobane, Petro letšatši le lengwe ge . . . Jesu o be a botšišitše potšišo, “Batho ba re Nna Morwa wa motho ke mang?”

<sup>34</sup> Gomme yo mongwe wa bona o rile, “Wena o . . . Ba bangwe ba bona ba re Wena o Moshe, goba Eliya, Jeremia, goba yo mongwe wa baprofeta.” Eupša yeo e be e se potšišo.

“Le re ke Nna mang?”

<sup>35</sup> Yena, Petro o boletše godimo, mantšu a a go tuma, gomme o rile, “Wena o Kriste, Morwa wa Modimo yo a phelago.”

<sup>36</sup> O rile, “O wa lehlogonolo wena, Simone, morwa wa Jona, ka gore nama le madi ga se tša go utollela se, eupša Tate wa Ka yo a lego Legodimong. Gomme godimo ga leswika le!” Le a bona?

<sup>37</sup> Gomme Dafida a bolela fa, “Modimo ke leswika la rena.” Modimo ke leswika la rena ge Modimo a utolotšwe go rena. Seo se fetoga leswika, le a bona. Modimo ke leswika la rena.

<sup>38</sup> Bjale, sehlogo sa ka, go moso wo, ke lentšu la go se šetšege: *Shalom. Shalom, ka Sehebere*, e ra “khutšo.” Gomme ke seo ke se rago go Kereke mosong wo, “Shalom!” Yeo ke khutšo.

<sup>39</sup> Ka Sefiniše e bitšwa *Jumalan rauha*, yeo e ra go gore “Khutšo ya Modimo” godimo ga lena. *Rauha*. Modimo, le a bona, khutšo ya Modimo, shalom.

<sup>40</sup> Molaetša wa ka wa ngwaga wo moswa ke go Kereke e kgethilwego ka go Jesu Kriste, go 1964. E sego—e sego feela dihlopha tša kereke; eupša Bakgethiwa, Mohumagadi, Mohumagadi wa—wa Kereke, Monyalwa wa Kriste, le a bona, ke yoo ke mo lebišitšego.

<sup>41</sup> Re lebane fa, go dihlogo tša rena tše pedi tšeo re di badilego, Mangwalo a mabedi, a ke re, thulano kudu, e tee go ye nngwe. Go Jesaya, e re, “Tsoga, gomme o phadime, ka gore letago la Modimo le tlile godimo ga gago. Seetša se fa.” Gomme morago yona temana ye e latelago, o re, “Leswiswi la kgotlombo le godimo ga batho ba.” Gomme morago ge re le ka go motswako wa Seetša le leswiswi, gomme tebanyo ya ka go Kereke ke “shalom, khutšo,” a re hwetšeng ntle seo e lego mabapi le sona, le a bona. Re lebane le ngwaga wo, le bobedi leswiswi le Seetša. Rena re . . . lefase le ka go nako ya tlhakahlakano ye kgolo ya leswiswi leo le sa ka go la ema go lona; gomme go le bjalo le eme ka gare, gape, Seetša se segolo sa lehlogonolo se kilego le neng sa ka sa phadima gare. Gomme go na le . . .



42 Phapano e no ba go swana le ge e bile mathomong, ge go be go le leswiswi la kgotlombo godimo ga lefase. Gomme Moya wa Modimo o sepela godimo ga sefahlego sa meetse gomme wa re, “A go be le seetša.” Gomme Modimo a aroganya seetša go tloga go leswiswi. Gomme ke a dumela gore bjale re phela go iri yela gape, yeo ge Modimo a aroganya Seetša go tloga go leswiswi, gomme O le pitlaganyetša go thoko ye nngwe ya lefase, gore Seetša se kgone go bonagala. Gomme rena re . . .

43 Gona, ke—ke Kereke, lebaka ke tla re “Shalom” go bona, ke ka gobane yeo ke Khutšo ya Modimo. Ke seo ke nyakago go se tliša go lena mosong wo, go ngwaga wo moswa, e se go lebelela morago, eupša re lebelela pele go go hlabeng ga letšatši le leswa. Go fihlela, go na le se sengwe se segolo se letše pele ga rena, fao mengwaga e bilego thabo yeo re e lebeletšego, go pitlagana, go tla ga Seetša se segolo. Gomme bjale re kgona go bona se hlabana godimo ga lefaufau, sekgaong sa lefaufau, se hlabana magareng ga tša go hwa le tša go se hwe. Re se bona se hlabana magareng ga magodimo le lefase, go tloga go malwetši a go tlamelelwa a lefase le lefase la go tlaišega, ka go letšatši la go phadima la go taga la Bophelo bja go se hwe le mmele wa go se hwe le lefase la go se hwe leo le ka se tsogego la feta. Ke—ke “Shalom,” go—go Kereke. Bjale, ke nako ya Seetša se tlela badumedi, eupša leswiswi la kgotlombo go batho. Ke . . .

44 Letšatši le lengwe re be re bolela, mosadi le nna, gomme re be re bolela ka ir—iri ye re phelago ka go yona. Bjale, lebaka ke kgethilego lefelo le, ke ikwetše o ka re nka no iša fase le go bolela le lena, le a bona. Le a bona? Ke, go bonala e ke go nako e lego godimo ga batho yeo e lego nako ya go šokiša kudu yeo nka go gopola ka yona.

45 Kgafetšakgafetša ke dirile bokaonekaone bja ka kudu go leka go, ka go se kwane le motho go dilo tša sedumedi; eupša ge ke be ke sa kgone go tšea seatla sa gagwe morago ga fao, go sa tshwenyega selo se be se le bogale bjang, gomme ka swara diatla tša gagwe, gomme ka re “se se ka go seetša sa kwešišo ye kaone magareng ga rena,” gomme ka fela ke rata motho (e se go no e bolela go tšwa go dipounama tša ka, eupša go tšwa pelong ya ka), gona ga ke—ga ke sediri le gannyane go ya ntle fale le go leka go bolela le batho. Ka gobane, le a bona, re swanetše re dire seo, re swanetše re rate motho. Le a bona? Gomme go ya makgatheng ga batho ka mehuta ka moka ya magoro, le mehutahuta ya ditumelo le dikgobokano, le mabodumedi le go ya pele, le go leka go bea Beibele fase, gomme wa re “a re—a re e ahlaahleng e se go tšwa go thutotumelo ya gago goba go tšwa go puku ya gago ya maitshwaro, eupša go tšwa go Beibele.” Gomme gona e se . . . Mohlomongwe dinako tše dingwe monna o ba bogale ka kgonthe; eupša ke na le monagano o motee gore ga se ke rate motho yola, gona—gona ke tseba selo se setee, Moya wa Kriste o flogile go

tšwa go nna. Ge nka—ge nka kgona go kwa gore ga ke rate motho yola, go na le se sengwe sa phošo ka nna.

<sup>46</sup> Ka gobane Moya wa Kriste, ge ba . . . go . . . go—go bapoleng Yena, gomme batho ba Gagwe Mong ba kokotela dipekere, gomme—gomme yona tlhologo ya Gagwe A e hlotšego e be e bea dipekere, tšeo A di hlotšego, morago ka go nama ya Gagwe ya motho. Gomme go le bjalo, ka pelo ye e tletšego lerato, A goeletša, “Tate, ba lebalele, ga ba tsebe seo ba se dirago,” le a bona.

<sup>47</sup> Gomme ke—ke fihlile go lefelo leo. Ke a dumela gore batho ga ba tsebe seo ba se dirago. Go tla go nako go fao batho ba, lebelelega bjalo ka, ba bile bahlankedi ba bobae go fihlela e—e eba selo sa go šokiša. Go bonala e ke go na le—go na le morithi wa leswiswi, feela godimo ga batho, woo o ba pitlaganyago.

<sup>48</sup> Bjalo ka, go fa mohlala, selo se tee se. Go putla setšhaba go dikologa le go bolela, gomme Morena Modimo a tsebagatša, a hlatsela Lentšu la Gagwe le go bontšha leo tlwa, gomme go se tsoge go dumeletšwe selo go bolelwa ntle ga ge e ka direga seo A se boletšego tlwa, a se bolela thwi go ba gona, le go ya pele, bjalo ka ge A be a dira. Gomme batho ba dula le go lebelela go seo, gomme ba tšwelapele thwi godimo go seemo sa bona sa go swana. Le a bona?

<sup>49</sup> Le a bona, e se go hlokomologa go go itšego, eupša bjalo ka dikgaetšedi tša rena, dinako tše dintši ge ke bolela le bona ka go apara diaparo tšela, le go kota moriri wa bona, le dilo tše dinnyane. Gomme monna, kafao ba tla tšwelapele godimo ka go dithutotumelo tša bona, gomme—gomme ba hlankela ka tlase ga dithutotumelo tšela le dilo. Gomme—gomme ke batho ba ba lokilego. Ke batho ba ba kaone. Eupša go le bjalo go bonala bjalo ka ge e ke ga—ga—ga ba kgone go kwešiša, go bonala e ke ga ba kgone go e hwetša. Gobaneng? Ke boela morago ngwaga wo o latelago, gomme, sebakeng sa go ba bokaone bjo itšego, ke e mpempe. E—e tšwelapele godimo. Fa go kgaetšedi yo gatee a bilego le moriri wo motelele wa go ratega, o o ripile go tloga. Fa go monna yo gatee a bego a lebelelega eke o tšere leemo la gagwe le go sepela ntle go selo se se lokilego; o morago thwi ka go . . . bjalo ka mpša go mahlatša a yona, le—le kolobe go leraga la yona. Le a bona, o boela morago thwi ntle ka go yona. Go bonala eke go na le se sengwe seo se rathilego batho ba rena, se rathile lefase, gore ga ba bonale eke ba na le kwe—kwe kwešišo, go na le se sengwe sa phošo.

<sup>50</sup> Go no swana le ge le lemoga monna lehono, ga o sa hwetša bommakgonthe ka go monna. Ga o sa bo hwetša ka go basadi. Bjale ga ke bolela ka . . . Lebaka ke theile se, ke go tsena go “Shalom.” Le a bona?

<sup>51</sup> Eupša le lemoga basadi mo letšatšing la rena, ga ba bonale eke ba na le bohumagadi ba kilego ba ba le bjona. Ba no ba bjalo ka ge ba—ba nyaka go ba, eupša go na le sengwe ga se

ba dumelele go e dira. Go bonala eke go na le boima. Bjoo, o botša mo—mo mohumagadi gore ga se a swanela go dira selo sa gore le sa gore, gomme mohumagadi o lebelela godimo Seo le go dumela Seo, o nyaka go dumela Seo, eupša go na le se sengwe se mo pitlaganyetša tsela ye nngwe. Le a bona? Selo sa go šokiša, ke—ke—ke mo kwelabohloko. O tateditšwe bjalo ka go bolepu bja Hollywood, le dikwalakwatšo go thelebišene, seyalemoya, kuranta, mo mokgotheng, mo—mo matsikangopeng a mabenkele, ka diaparo tša sebjalebja le go ya pele, le tsela yeo basadi ba bangwe ba kopanago le yena. Gomme go bonala eke go na le se sengwe seo ba no se kgonego go gogela kgole go tloga go; baswa ba rena, batšofe ba rena, ba mengwaga ya magareng ba rena.

<sup>52</sup> Go bonala eke go na le se sengwe makgatheng ga monna. Monna ga a sa bonala eke, go ba le go kgwatha ga digobagoba bjoo a bego a na le bjona. Basadi ga ba sa na go kgwatha ga sesadi ba bego ba na le gona. O tšea monna lehono, monna ga a bonale wa senatla go swana le ka mo ba bego ba le. Ke ka moka mohuta wa . . . Ba nyaka go apara dieta tša sweiti ka mmala wo moretele, gomme—gomme ba nyaka go dira bjalo ka basadi. Bjalo seo ke therešo. Go bonala e ke, bontši goba bonnyane, bjalo ka phapogo. Mosadi o nyaka go kota moriri wa gagwe le go dira bjalo ka mo—mo monna. Gomme monna o nyaka go dira bjalo ka mosadi. Le a bona? Gomme go le bjalo o ka bolela le bona, gomme ke batho ba babose go bolela le bona, batho ba babose, ba bogwera, batho ba leago. Ke eng se hlotšego se? Ke leswiswi lela la kgotlompo godimo ga batho, ke se sengwe seo—seo se ba pitlagantšego ka go sona.

<sup>53</sup> Go swana le Bajuda ba bile mo matšatšing ao Jesu a tlilego lefaseng, Jesaya o profetile ka ona gomme a re, “Go tla ba le, ba tla ba le mahlo eupša ba ka se kgone go bona, gomme le ditsebe gomme ba se kgone go kwa.” Gomme leo ke lebaka Jesu a rapeletšego tshwarelo ya bona, gobane go be go swanetše go ba ka tsela yeo go phethagatša Lengwalo.

<sup>54</sup> Gomme e boile gape go rena. Beibele e boletše ka letšatši le leo re phelago, le go bolela dilo tše di tla tla, “leswiswi la kgotlompo godimo ga batho.” Gomme re a le bona, gore go na le se sengwe seo se no, ga bonolo, batho ba a nyaka eupša ga ba kgone.

<sup>55</sup> Nikodemo o e hlagišitše nako ye nngwe pele ga Morena, “Rabi, re a tseba gore Wena o Morutiši go tšwa go Modimo, ka gore ga go motho a ka dirago dilo tšeo Wena o di dirago ge Modimo a be a se na le Yena.” Eupša e be e le leswiswi lela, goba bofofu, godimo ga moloko wa Bajuda, gore Mesia a kgone go tla go tšea go tšwa go Bantle Monyalwa. Ba ile ba swanela go Mo gana.

56 Gomme leo ke leswiswi la kgotlombo leo le lego godimo ga kereke le dilo lehono, go palelwa go bona Seetša seo se phadimago. Le a bona? Le a bona, go bonala eke go na le go pitlaganya go boima bjalo. Re tšea ba bangwe ba baebangedi ba go tsebalega lehono, kgafetšakgafetša ba goeletša go tsošeletšo, gomme ba dira thwi kgahlanong le Yona; le a bona, go se kwešiše, ntle le kwešišo.

57 Gomme ga ke bolele seo ka ma—ma maikemišetšo a go leka go re, “Bjale re bone *Se*, gomme, ‘letago go Modimo,’ ga—ga ba ka go sona.” Ga ke leke go—go re seo ka go . . . go dira batho ba nagane, “Gabotse, Ngwanešu Branham, o—o na le Therešo e nnoši e lego gona mo lefaseng.” Aowa, seo ke phošo. Le a bona?

58 Ke se bolela feela ka go Seetša sa iri yeo re sepelago ka go yona, le go holega ga batho bao ba lekago go nyaka Seetša se. Ka therešo, Jesu o rile, “Ga go motho a ka tlogo go Nna, ntle le ge Tate wa Ka a mo goga.” Ga go motho a ka tsoge a se Se bone. Ke Peu yela ya go kgethelwapele, gomme seo se nnoši, se ya go Se amogela. Eupša re tliile go lefelo lela gape. Beibele e rile, “Lena le seetša sa lefase.”

59 Moprofeta o rile, “Leswiswi la kgotlombo godimo ga batho,” godimo ga batho ba lefase go nako ye. Gomme seo ke tlwa seo re nago le, leswiswi la kgotlombo godimo ga batho.

60 Modimo, ka go mogau wa Gagwe wo mogolo, bjalo ka ge ka mehla ke rerile le go leka go se emela, gore ka mehla O bontšha ditiragalo tša Gagwe—tša Gagwe go tšwa legodimong, ditiragalo tša Gagwe tša maemo tše kgolo, di direga legodimong pele di direga mo lefaseng. O tšweletša Boyena. Ka mantšu a mangwe, pele Mesia a etla ka go lefelo fao bodiredi bja Gagwe bo tla go thoma, go tliile pele na—na Naledi ntle ga legodimo yeo e hlahlilego monna go le—le—le lefelo A bego a le, banna ba bohlale. Bjalo ka ge le kwele go Molaetša wa ka wa go feta ka fao Modimo a šomilego le ba—ba banna ba bohlale, le—le letšatši leo A—A ba retolletšego ka thoko ka toro, gomme O boditše Josefa ka toro ka fao a swarago boiphidišo bja Morwa wa Gagwe Mong. Ka gobane o bile le toro, go bile le . . .

61 Toro ke sa bobedi, se sengwe go tloga go thoko ye nngwe, gobane batho ba ka ba le ditoro tšeo e sego tša maleba. Eupša go be go se moprofeta mo nageng mo letšatšing leo, le a bona, go be go se moprofeta, kafao Modimo a swanelwa ke go šomiša seo A ka go šoma ka. Gomme go re ruta gore—gore Modimo a ka šomiša lefapha le lengwe le le lengwe le se sengwe le se sengwe seo re se dirago, ge se gafetšwe go Yena. Eupša pele se swanetše go gafelwa go Yena. A nke go nagana ga lena—ga lena, fao ka kgonthe go tšweletšago toro ya gago, le a bona, gobane ke letswalo la gago la fase. Ge o ka šetša toro, o tla bona gore ke se sengwe seo o bego o nagana ka sona, goba se sengwe go swana le seo. Ka mehla, le a bona. Gomme a nke kgopolo ya lena e be go Modimo, gona, le

a bona, kafao e tšweletša se sengwe go Yena. Gomme e ka ba eng o lego, a nke e swantšhe Yena.

<sup>62</sup> Bjale, go magodimo godimo. A le lemogile ke lebeletše go se, se—se Seetša godimo ga seswantšho fale ntle go Kgatišobaka ya Bophelo, yeo ngwanešu yo a phelago fa ka go lapa le a se beilego godimo ga lebotu, khutlotharo ya Seetša.

<sup>63</sup> Ke no direga go kitima go putla kgopolo ya ka. Ge yo mongwe wa lena a na le phetolelo ya Beibele ya Lamsa, ge le ka lemoga godimo ga khabara ya yona, ke boraro, seetša sa tša boraro, seetša sa dikhutlo tše tharo bjalo ka sediko sa seetša. Gomme ge Ngak. Lamsa, mogwera, mogwera wa ka wa sebele, a be a fetolela Beibele, leo ke leswao la kgale la Bahebere la Modimo ka go tsela ya boraro bja therešo yeo A lego; e sego Badimo ba bararo, eupša diponagalo tše tharo tša Modimo wa go swana: Tate, Morwa, le Moya wo Mokgethwa. Seetša se ntikodiko e tee e feletšego ya Seetša ka sebopego sa khutlotharo, yeo e rago gore Modimo o dula ka diofising tše tharo, lebaka la Botate, Bomorwa, le Moya wo Mokgethwa, ka moka Modimo wa go swana.

<sup>64</sup> Eupša afa le lemogile pele ga Mahuto a Šupago a bulwa, pele ga Seetša se segolo sa sephiri se bontšhwa pele magodimong godimo fa kua godimo Tucson, Flagstaff, fao re bego re le? Ngwanešu Fred, ba babedi ba monna bao ba . . . banna ba babedi ba be ba na le nna mosong woo. Ge, seo se boletšwe dikgwedi le dikgwedi pele ga nako, e ka direga. Bobedi Ngwanešu Fred Sothmann le Ngwanešu Gene Norman ba dutše fa mosong wo, ge e . . . ba le fao ge mothuthupo o tšwelela, gomme go sa tsebje dilo tše di tla direga. Gomme O nthometše morago, o rile gore nako e be e batametše go Mahuto a Šupago a ao a swerego diphilho tše šupago ka Beibele ka moka, di bofilwe ka go Mahuto a Šupago ale. Gomme ka fao barongwa ba fase go bapa le tsela, barongwa ba Mabaka a Kereke, ba butše go karolo ye itšego ya ao. Eupša mo iring ya bošupa, moromiwa wa bošupa, gore diphiri tše ka moka di tla ba di fedile. Le a bona? Moromiwa wa bošupa wa lefase, le a bona, morongwa yo yoo A bolelago ka yena gona o be a le lefaseng. Gomme *morongwa* go ra gore “moromiwa.” Gomme gona, ka morago ga seo, o bone Morongwa yo mongwe a etla fase, e sego morongwa wa lefaseng yoo a bego a filwe Molaetša fa, eupša (yo mongwe) Morongwa yo maatl a tllile go tšwa Legodimong le molalatladi godimo ga Gagwe, gomme a bea leoto la Gagwe godimo ga lefase le lewatle, gomme a ena ka Yena a phelago go ya neng le neng, “Nako e ka se be gona gape.” Le a bona? Eupša pele A roba pele go Mahuto a Šupago ale go utolla ona, gore O bontšhitše sa mohlolo, O o bontšhitše pele magodimong.

<sup>65</sup> Letšatši leo ba tšere seswantšho ka moka go putla borwa bja Dinaga tše di Kopanego le Mexico. Fale se lekeletše bjalo ka go Kgatišobaka ya Life, e sa le sephiri go bona. Eupša O e

tsebagatša magodimong pele A e dira lefaseng. Ka mehla O dira seo. O bontšha dika tša Gagwe magodimong pele.

<sup>66</sup> Gomme le go Tsodiake. Ga ke ye morago go ruta ka Tsodiake, eupša ke no le bontšha magodimo a E kwalakwatša. Ka go Tsodiake re hwetša ntle, ka go kgobokanong ya dinaledi, gore O kwalakwaditše Beibele yohle ka go kgobokanong ya dinaledi tša—tša Tsodiake. Re hwetša ntle fale gore o thoma go tloga, sona—sona sa pele seswantšho go Tsodiake ke Kgarebe, gomme seswantšho sa mafelelo ke Leo Tau; go bontšha gore Jesu o tla tla pele lefaseng ka Kgarebe, O tla tla lekga la bobedi bjalo ka Tau ya leloko la Juta. Le a bona? O ya go kgabola dihlapu tša go putlana fela pele ga seo. Lebaka la Kankere, leo re phelago go lona bjale. “Gomme magodimo ka moka a Mo kwalakwatša,” Beibele e boletše.

<sup>67</sup> Bjale, dikgwedi di se kae tša go feta ke rerile, go tatelano ya dikopano kua tabarenekeleng, ka *Mabaka A Šupago A Phuthego*. Lena, mohlomongwe, ka moka le di kwele. Gomme ge ke fetša go thala ntle go letlapa le lesa Mabaka a Šupago a Kereke, ka fao Seetša se tlilego ka gare le ka fao Seetša se ilego ntle. Gomme ke a thank a le na le seo, mohlomongwe, fa felotsoko; eupša e makgatheng a rena, go le bjalo, re a tseba. Gomme selo sa go tlaba, ka letšatši la mafelelo ge Lebaka la Kereke la mafelelo le thadilwe ntle, Pilara ya Mollo ye kgolo ye (yeo e lego makgatheng ga rena) e tlile fase makgatheng ga makgolokgolo a batho, gomme ya itšea ka Boyona morago go leboto la morago la tabarenekeleng. Gomme fale, pele ga makgolokgolo ale, ya thala Mabaka a Kereke ale, go swiswala le go bonegetša, feela tlwa ka tsela ye ke e thadilego godimo ga letlapa. Ka go makatša!

<sup>68</sup> Bjale, letšatši le lengwe, re bile ka go tiragalo ya histori ya kereke bjale. . . Ka go—go Beibele, *ngwedi* o emela “kereke,” gomme *letšatši* le emela “Kriste.” Ka gore re hwetša seo ka go Kutollo, tema ya 12, *mosadi* yo a bego a le “kereke,” o hweditšwe le ngwedi ka tlase ga dinao tša gagwe gomme letšatši go hlogo ya gagwe, dinaledi tše lesomepedi go korone ya gagwe. Yeo, wa—wa kgale molao wa Orthodox wa Bajuda o be o le ka tlase ga dinao tša gagwe, o be a putlile godimo ga seo ka go seetša sa letšatši. *Dinaledi tše lesomepedi* ke “baapostola ba lesomepedi” hao ba tlišitšego molaetša go rena, bjale, ka tlase ga Moya wo Mokgethwa. Bjale re hwetša gore ngwedi legodimong o tšweletša seetša sa letšatši, ge letšatši le se gona. O re fa—o re fa seetša go ya go dikologa. Eupša e sa no ba. . . Ga go tshwenyege bontši ka fao o tšweletšago, e sa no se be seetša sa go phethagala, ka gore o a tšweletša. Gomme letšatši le phadima kgahlanong le ngwedi, gomme ngwedi o tšweletša seetša sa wona ge letšatši le se gona. Eupša ge letšatši le etla godimo, gona ngwedi ga o sa hlokega le neng.

<sup>69</sup> Gomme lehonno Kereke e tšweletša Seetša ge Morwa wa Modimo a se gona. Kereke ke setšweletšwa sa Seetša. Ka gobane

O rile, “Sebakanyana gomme lefase ga le sa Mpona gape. Efela le tla Mpona, ka gore Ke tla ba le lena, le gona go ba ka go lena, go fihla magomong a lebaka. Mediro ye ke e dirago,” Dietša tšeo A di dirago di bonagale. Gomme ga go Seetša ge se se ka Lentšu la Modimo. Go bile. . .

<sup>70</sup> Letšatši ke Lentšu la Modimo. Kua mathomong, Modimo o rile, “A go be le seetša.” Gomme ge Lentšu la Modimo le le bonagaditšwego, ge Lentšu la Modimo le bonagatšwa, go bile le seetša. Sa pele, Modimo o se boletše. Go be go ka reng ge e ka be e se sa bonagatšwa? Gona e be e se seetša go le bjalo. Eupša ge A se boletše, gomme la bonagatšwa, hlatsetšwa, Lentšu la Gagwe e bile sa go hlatsetšwa, seetša se tlilego go ba gona.

<sup>71</sup> Gomme yeo ke tsela e nnoši e ka go dirwa bjale, ke ge Lentšu le hlatselwa, Lentšu la Modimo le ngwadilwego le hlatsetšwa, gona le bontšha Seetša. Ke, karolo e goteditšwe, goba e tinngwe go lebaka le lengwe le le lengwe. Re e hwetša ka go Mabaka a Kereke, re e hwetša ka go mabaka a kereke go Testamente ya Kgale—ya Kgale. Nako ye nngwe le ye nngwe ge go etla nako go po—po ponagalo ye itšego ya leeto, go bile le moprofeta a etla go lefase. Gomme Lentšu le tlile go moprofeta, gomme o dirile Lentšu leo le phele. Gomme ge Lentšu lela le tsebagatšwa, le tšweleditše Modimo. Gomme fao go bile le—le lebaka, go bile le Seetša. Gomme yeo ke tsela Seetša se tlogo lehono.

<sup>72</sup> Bjale, ga ke na selo kgahlanong le kereke ya leina e itšego, batho. Eupša ke na le ka moka tšeo nka naganago ka tšona kgahlanong le ditshepedišo, ka gobane di phošo. Gomme tshepedišo ya mathomo yeo e kilego ya tšwelela godimo, e bile tshepedišo ya—ya Roma ya kereke ya Katoliki ya Roma. Yeo e bile mokgatlo wa mathomo woo o ilego wa kगतlofatšwa, e bile kereke ya Katoliki ya Roma, Nicaea ya Roma. E ka ba mengwaga ye makgolo a mararo le masomepedi tlhano ka morago ga lehu la Kriste, 325, gwa tšwelela mokgatlo wa kereke ya Roma woo o beilego batho mmogo le go tshinamiša ntle se sengwe le se sengwe gape seo se bego se thulana le yona. Fao ke moo ba hweditšego dithutotumelo tša bona tša go tla ba le go thoma ntle tshepedišo kgole go tloga go Lentšu. Gomme bjale kereke yeo, go tloga nako yeo, e tšweleditše leswiswi thwi, ka gobane ka nako yeo re ya go go kgabola, re tla bitša, “Mabaka a Leswiswi,” e ka ba sekete sa mengwaga. E tsebege go borahistori ka moka le baithuti ba Beibele, le go ya pele, bjalo ka Mabaka a Leswiswi, ke ge kereke ya Roma e laola se sengwe le se sengwe.

<sup>73</sup> Gomme kereke ye ya Roma ke “mma-mma mmago bommalegogwana,” Beibele e boletše, go Kutollo 17, “o be a le seotswa, le mmago bommalegogwana.” Bjale, yoo ke wa maitshwarompe, mosadi wa go phela go se hlweke. Bobedi bja bona ke selo sa go swana, bobedi ba a swana. Kafao ge—ge e le mmalegogwana, e swanetše go ba mosadi. Kafao kagona, le a lemoga ga se mmalegogwana, eupša “bommalegogwana.” Le a

bona? Mosadi ke “yena,” ka boteeng, “seotswa.” Gona dikereke di bitšwa “bommalegogwana,” barwedi ba seotswa Roma. Yena ke mmago ka moka ga yona, mmago mekgatlo.

<sup>74</sup> Gomme ga se selo sa go tlabo, gore mo letšatšing le leo ge re etla go kgabola dilo tše ka moka, gomme Molaetša o putlile lefase kgahlanong le mokgatlo, O e thuthupišitše go tloga go la goja go ya go la mpati, gore, mo iring ye yeo e boletšwego ge e sale ka 1933, ge Moya wo Mokgethwa o mpha dipono tšela le go mpontšha bofelo bja nako, dilo tše šupago tšeo ke boletšego ka tšona, gomme tše tlhano tša tšona di šetše di diragetše, ka phethagalo, maleba go ya pele; bjalo ka Jeremane le—le Italia le dintwa ka moka, le dilo tša bosetšhaba (ga se gantši go bolega go nna ka dilo tšeo). Eupša di diragetše feela tlwa ka tsela A rilego di be di tla diragala. Ka fao Mussolini a tla yago Etiopia, gomme Etiopia e tla wa ka go kgato ya gagwe, gomme morago ka fao a tla tlogo go kgobogo, le go tshwelwa mare ke batho ba gagwe ka sebele; le go gobošwa, a lekeletšwa godimo go ya fase, le moitshwarahlephi yo a phetšego le yena, mo mokgotheng. Ka fao Maamerika a tla yago go lwa le Jeremane, ba tla šašarwa gagolo mo lefelong le bitšwago, mothaladi wo mogolo fao go tla bago le khonkhoriti e šireleditše gare fale, ke a dumela e bitšwa Mothaladi wa Siegfried. Gomme go na le wo mongwe o bitšwago Maginot, ke a dumela e be e le Mafora. Seo e bile therešo? Gomme Mothaladi wa Siegfried e be e le mothaladi wa Jeremane. Gomme Morena a ntumelela go bona seo, mengwaga ye lesometee pele o ka agwa. Gomme ba ka se tsoge ba amogela go šašarwa go wona, Maamerika a ka se ke, go fihla ge ba nyakile go nwelela sešole ka go felelela. Ge ba eya ka gare fale, Majeremane ba bile le dithunya tša bona di katišitšwe thwi ntle go lebotho lela, gomme ba le tlogela le tsena thwi ka gare fale, gomme ba nyakile go le nweletša. Gomme ke bone seo, mengwaga ye lesometee pele mothaladi o ka tsoge—tsoge motheo o ka tsoge wa tšhollelwa go wona, goba selo se itšego, Mothaladi wa Siegfried. Gomme dilo tše ka moka, bjalo ka metšhene le difatanaga, le—le ka fao se sengwe le se sengwe se tlilego thwi tlase seo A se boletšego tlwa, go fihla mosadi a buša setšhaba se, yoo, mohlomongwe, ke kereke. Gomme ke gona bofelo bo tla tla.

<sup>75</sup> Bjale re hwetša gore ka go se, dilo tše ka moka le ka fao ke rathagantšhitšego kgahlanong le mokgatlo, a ga se selo sa go tlabo gore mopapa wa Roma a ka tloga Roma lekga la mathomo go ya morago Jerusalema? Gomme go direng se. . . Jerusalema e tsebega e le kereke ya kgalekgale lefaseng ka moka.

<sup>76</sup> Ge Melekitsedeke a kopana le Abraham go tšwa go gagareng dikgoši, O be a le Kgoši ya Jerusalema, Mopriska, yoo e bego e le Kriste, e be e le Modimo; ga go yo mongwe a ka bago Melekitsedeke eupša Kriste ka Boyena, Modimo ka Boyena, a ke re, le a bona, Modimo ka Boyena, ka gobane o be a se na tate gomme a se na mme. Le a bona? Jesu o bile le bobedi tate le



mme, le a bona. Kafao Monna yo o be a se na tate, a se na mme, a se na mathomo a matšatši goba bofelo bja matšatši. Gomme mang le mang A ka bego a bile, O sa phela. Gomme O be a le Kgoši yona nako yeo, ya *Salema*, yeo e hlathollwago, “Kgoši ya Khutšo, Shalom.” Kgoši ya Jerusalema, yoo a kopanego le Abraham gomme a mo fa beine le senkgwa, selalelo, ka morago ga ntwa. Seswantšho se se botse fale ka go tema ya 7 ya Bahebere, re a se hwetša. Bjale, a mo fa senkgwa le beine ka morago ga ge ntwa e fedile. Bjalo Yena . . .

<sup>77</sup> Ke selo sa pele re tla go se tšea ge re fihla ka go Mmušo wo Moswa, re tla se ja ka boswa le Yena mo Mmušong wa Tate, senkgwa la beine. “Nka se nwe seenywa se sa morara, goba go ja senkgwa le neng gape, go fihla Ke se ja le lena, ka boswa, mo Mmušong wa Tate, gomme ka letšatši leo.”

<sup>78</sup> Bjale, bjale ge re hwetša gore ka morago ga Kgoši ya Shalom ka go . . . tla go tšwa go toropokgolo, morago thutotumelo ya tšea taolo, moragorago. Gomme e bile thutotumelo kgafetšakgafetša, eupša e emela kereke ya kgale. Gomme re a rutwa ka go Testamente ye Mpsha, le se šitwe go hwetša se, ka go Testamente ye Mpsha gore ga se rena ba toropokgolo ya Jerusalema ye, mo lefase, eupša re ba go tšwa go Jerusalema ye Mpsha, godimo. Kafao se e swanetše go ba ngwedi, Jerusalema, gomme e sego Jerusalema ye Mpsha, godimo. Kafao ngwedi o emela kereke, ya lefase.

<sup>79</sup> Gomme a ga se selo sa go tlabo gore feela pele mopapa a tšea leeto la gagwe go ya Jerusalema, gore ngwedi magodimong o dirile go fifala ka botlalo, feela matšatši a se makae pele a le tšea, leeto la gagwe. O tla le fa gape, le a tseba, le a bona. Bjale seo ga se nke sa tsebja, le a bona. Eupša e bontšha eng? Gore, ye, o dira se go thopa kopanelo bjalo ka ge a kopane mo letšatšing ka morago ga go tla ka gare ga Jerusalema, o kopane le tatelano ya boetapele bja Orthodox ya Bagerika. Gomme seo se laetša eng? Kopanelo, ba nyaka Maprotestant le Bokatoliki bo tšoenana mmogo, seo ba a se dira gomme ba tla feleletša ba dirile. Gomme Modimo o laetša se go rena, go ngwedi, ya go fifala ka botlalo. Ka mogau le kgaogelo ya Gagwe . . .

<sup>80</sup> A go na yo itšego wa lena a bonego pampiri fao ba tšerego seswantšho sa ngwedi? Ke se swere fa. Ge e se seswantšho sa phethagalo, go tlogela ntle lebaka la go šupa leo le sešego la, tlwa ka tsela ke thadilego ka Moya wo Mokgethwa, Mabaka a Kereke. Fale go a selego a ona, la go šupa ga se šo la fela. Maemo a selego a ngwedi, ka fao go phadimo ya wona go lebaka la mathomo la kereke; leswiswi go la bobedi, la boraro, la bone, la bohlanano, la boselela; feela ka tsela ye Moya wo Mokgethwa o ntumeletšego go thala mo letlapeng, le gona go a tsebagatša le Yenamong mo lebotong la tabarenekele, mengwaga ye mebedi ya go feta. Ngwedi o iponatša ka bowona, gomme saentshe gape ya topa godimo seswantšho sa, Mabaka a Kereke, feela bjalo

ka ge e topile godimo Seetša sela ka kua le go se bea ka go Kgatišobaka ya Bophelo, ya go bulwa ga Mahuto, ya go utolla ka go lebaka la morongwa wa bošupa. Mo matsatšing a bodiredi bja gagwe, motseta wa bošupa, dipihlo tša Modimo, tšeo ka moka dipihlo di bile ka go mabaka, di swanetše di utollwe, go dirwa go bonagatšwa, e swanetše go ba ka nako yeo. Gomme O e dirile! Mantšu a gagwe ga a šitwe. A seo ga se selo sa go makatša? Modimo a thala legodimong selo sa go swana seo ba se swarago, Modimo wa go swana o ntirile ke thale go letlala le lesa, gomme morago ka Boyena. Ao ke makga a mararo Yena a e tsebagatša ka phethagalo, gomme feela pele mopapa a eya ka Jerusalema.

<sup>81</sup> Yeo, yela e be e le kereke, ngwedi ke kereke, o emela kereke. Gomme pele kereke, morithi wa lefase o putla ngwedi. Gomme morithi wa bofefase, morithi wa sefefase, kereke ya lefase, o swietše go putla go fifatša Seetša ka moka sa Beibele. Lefase le tsene go Seetša sa ponagatšo. A le a kwešiša? Lefase le putlile go seetša sa ngwedi, le go fofatša letšatši. Gomme ponagatšo ya ngwedi yeo e swanetšego go fa seetša go lefase, e ile ya fifatšwa. Gomme E tlile ka gare le go thala seswantšho feela tlwa bjalo ka ge E dirile, ka tšhušumetšo, pele e direga.

<sup>82</sup> Bjale yeo, ke a dumela, Kgaetšedi Simpson, e be e le pampiri ya Tucson. Ga ke tsebe ge e ba Kgaetšedi Simpson o tsebile . . . Ga se a e kwešiša nako yeo. O rile, “Ke go ripetše ntle diswantšho tše dingwe, le dinoutso tše dingwe, ntle ga pampiri,” a mpha yona.

<sup>83</sup> Gomme ke naganne se sengwe sa go tlaba. Ke ile fale le go e topa godimo, le go e lebelela, ka re, “Seo yona, feela tlwa, le a bona, feela seo ke bego ke se nyaka.” Gomme se be se le fao ka pampiring.

<sup>84</sup> Kgaetšedi Simpson a ka le botša gore e ka pampiring efe, ge le nyaka go hwetša khopi ya yona. [Kgaetšedi Simpson o re, “Ke Desemere 28.”—Mor.] Gomme—gomme o reng? [“Ke thulaganyo ya manthapama Desemere 28.”] Thulaganyo ya manthapama a Desemere 28.

<sup>85</sup> Le a bona, pele a eya Jerusalema go thibela ntle Seetša sa lona, goba go fihlelela go go itšego e nago. Nako efe, boemo, le maloka afe E swanetšego go phadima, bjale e E ripa go tloga ka go felela, go lebaka la bofelo, lebaka la kereke ya bošupa fao a yago go leswiswi. A selo se segolo Morena a re botšago. Go se sengwe le se sengwe, ga E šitwe eupša seo Modimo legodimong a se kwalakwaditšego le go se bolela, go se lebelela, gomme fa o se tsebagaditše le go se hlatsela, gore ke Therešo ya gomangkana.

<sup>86</sup> Leswiswi, Lebaka la Kereke la Laodikia le. Bjale ge Jesu, e lego Lentšu, go Lebaka la Kereke ya Laodikia a bile ka ntle ga kereke, a kokota monyakong, a leka go tsena ka gare. Leswiswi, leswiswi la kgotlombo godimo ga batho. A Beibele e be e nepile? [Phuthego e re, “Amene.”—Mor.]

<sup>87</sup> Phethego ya Lengwalo, letago la Leina la Gagwe le legolo. Ketelo ya mopapa e bile seka sa dikereke di fifatša sa go bonagatšwa sa Gagwe. . . Seetša se se bonagaditšwego sa lefase e be e le Beibele. Jesu o boletše O be a le Seetša sa lefase. Beibele e boletše gore Yena ke Lentšu. Gomme la go bonagatšwa, goba la go hlatsetšwa, Lengwalo ke Seetša. Bjale le ka se dumelelwe go e dira ge se se swara. Gomme re e bone e bontšhitšwepele, go bolelwa ka tšhušumetšo pele e ka direga; e bontšhitšwepele ka ngwedi, le go bontšha e direga, gomme šefa e a phethagala.

<sup>88</sup> Iri e godimo ga rena, leswiswi, leswiswi la kgotlompo. Leswiswi la kgotlompo go batho bjale, ke seo se lego. A seo ka moka se ra eng? Re eme kae? Re go iri efe? Re bokgauswi bjang le go Tla? Gabotse, le re, “Ge ka moka ba na le tsošeletšo.”

<sup>89</sup> “Le se boife, mohlape wo monnyane, ke thato ye botse ya Tate wa lena go le fa Mmušo.” Go lokile.

<sup>90</sup> Se se ra eng? Modimo o thoma go aroganya Seetša go tloga go leswiswi, le a bona, go e pitlaganya ka morago, bjalo ka ge A dirile kua mathomong, go bontšha go hlaba ga letšatši le leswa. Mabaka a Kereke a sesefalela ntle. Ntshwareleng. Mabaka a Kereke a sesefalela ntle. Modimo o pitlaganya leswiswi ka go lefelo, e swanetše go dira, go sesefatša ntle mekgatlo, go sesefatša ntle lefase. Lefase le khupeditše selo godimo, gomme bolefase bo tšere selo sohle. Gona a Modimo ga se a nepa? Ka dilo tša lefase, le meaparo ya lefase, le go dira ga lefase, le go phela ga lefase, ke lefase!

<sup>91</sup> Ga se lena ba lefase, bana ba bannyane. Le ba Legodimo. Le ga se Legae la lena.

<sup>92</sup> Gobaneng ke swanetše go lebelela, go rena batho ba bagolo, go leka go lebelela morago le go ba baswa gape? Re ka se kgone go dira seo. Eupša re lebelela pele, e sego go lebelela morago. Go lebelela fa, seo se bilego, gomme re nyaka go tseba seo se ya go go ba. Gomme re lebelela go iri yela, go pitlaganya go yona.

<sup>93</sup> Ka gona batho ba bantši ba go loka kudu, batho ba go hlokošana lehono ba tantšwe kgole ke go dithutotumelo tše, dikereke le mekgatlo ye, “di na le sebopego sa bomodimo, eupša di gana Maatla a bjona,” Timotheo wa Bobedi, tema ya 3, e bolela bjalo.

<sup>94</sup> Leswiswi la kgotlompo, go fofatšwa ga Israele, e be e le go go phadimela ga Bantle. Bjale go fofatšwa ga Bantle ke go phadimela ga Israele. Go no ba bjalo ka mosegare le bošego; lehlakore le tee le na le leswiswi, lehlakore le lengwe le na le seetša; gomme gona seetša se tla godimo ka go lehlakore le lengwe. Kafao ngwe—ngwe ngwedi o feta ka tsela ye o dirilego, gomme ponagatšo ya leswiswi la lefase le fofatšwa seetša sa ona, ke ponagatšo go rena gore lebaka la kereke ya Bantle le fedile. Kereke e a itokiša ka boyona, e be e itokiša ka boyona go nako, ke nako ya Tlhatlogo. Ka gore leswiswi le a sesefala

godimo ga Bantle, gomme mahube a tla hlaba godimo ga Bajuda. Letšatši le sepetše go tloga Bohlabela go ya Bodikela, gomme re go Lebopo la Bodikela. Seetša se ka kgona go dira selo se tee feela, go boela morago Bohlabela, ka go lehlakore le lengwe. Le a kwešiša, a le a dira? [Phuthego e re, “Amene.”—Mor.] Seetša se ka kgona feela go boela morago Bohlabela gape, go fao se thomilego, Israele. Modimo o ba fofaditše sebakanyana, eupša leswi—leswi leswiswi bjale le pitlagantšwe godimo ga lefase la Bantle leo le khupeditšego selo sohle. Bantle ba tla gataka Jerusalema fase go fihla lebaka la Bantle le tla be le feditšwe. Jesu o boletše bjalo. Gomme bjale le feditšwe, leswiswi la kgotlombo godimo ga batho! Modimo a e bontšha lefaufaung, bjalo ka ge a e bontšhitše lefaseng pele ka moka e direga. Re ka go yona.

<sup>95</sup> Batho ba ba lokilego ba tantšwe ka go selo se, batho ba ba lokilego, batho ba go hlokofala. Bjalo ka Maria le Josefa, ba be ba hlokofetše kudu, le a bona, ba nagana O na le le bona, mola A se nabo. Maria le Josefa, le a tseba, ge ba be ba le godimo go mokete, Jesu, mengwaga ye lesomepedi, ba naganne, ba tšea o ka re, O na le le bona eupša o be a se. Batho ba ba lokilego lehono ba nagana selo sa go swana, bona, batho ba ba kगतlofaditšwego ka go Khantshele ya Dikereke ye, batho ba ka go mekgatlo, ba—ba nagana ba dira selo se se lokilego. Ba tšea o ka re O na le le bona, mola ba se. Le a bona, batho ba bantši ba nagana gore O na le le bona ge ba šikinya diatla le moreri le go bea maina a bona go puku, eupša O be a se. Batho ba bantši ba naganne, ge ba fafaditšwe, ba amogetšwe, ba kolobeditšwe ka leina la “Tate, Morwa, Moya wo Mokgethwa,” ba nagana O na le le bona. Ke batho ba ba lokilego. Maria le Josefa e be e le batho ba ba lokilego. Eupša dintlha e bile, O be a se fao! O se ke wa tšea o ka re go e ka ba eng.

<sup>96</sup> Seetša ke eng? La go hlatsetšwa, Lentšu la Modimo le boletšwego! Ka ntle ga seo, ga go na Seetša. Le a bona? O ka se bonegetše lefase ka dietša tša go thumašwa. Go tšea Lentšu la Modimo leo le dirilwego go bonagatšwa, Morwa.

<sup>97</sup> Ba be ba le batho ba ba lokilego. Lemogang go nepa ga Lentšu la Gagwe, ka fao Le phethagetšego. A le lemogile se Maria a se boletšego? Bjale go lena batho ba Katoliki ba go ratega, ga ke na selo kgahlanong le lena. Ga ke na selo kgahlanong le lena. Ke tshapedišo yeo le lego ka go yona. Gomme lena Maprotestant, selo sa go swana. Ke ditshepedišo!

<sup>98</sup> “Maria, mmago Modimo”? Go hwetša ntle, Mošemane wa mengwaga ye lesomepedi, wa morwa wa gagwe ka sebele, a swanela go mmea mo lenaneong. Ga go na nako e tee ka go Beibele fao Jesu a ilego a bitša Maria “mma” wa Gagwe. O be a se mma wa Gagwe. A ka ba mmago Modimo bjang? O be a no ba popelo yeo A e šomišitšego go tla lefaseng, go bonagatšwa go lefase, ka popelo. Ga go selo go yena le gannyane, ga go Lengwalo le tee a kilego a re “mma.”

<sup>99</sup> Lemogang ka fao Maria a fošitšego kudu, eupša Lentšu la Gagwe le phethagetše kudu. O rile go Yena ge. . . O Mo hweditše ka tempeleng, a le lesomepedi, a ahlaahla le baithutamodimo. O ba makaditše, bjalo ka Mošemane wa mengwaga ye lesomepedi; ebile a se sekolong, goba, ge e ba e le, ga re na pego ya yona. Eupša Mohlankana wa bogolo bja mengwaga ye lesomepedi a šilofatša di—di dirutegi ka tempeleng, ka bohlale bja Gagwe. O rile, “Tatago le nna re Go nyakile ka meokgo.” “Tatago!” Mma ka boyena, a hloma o ka re, o rile, “Tatago Josefa le nna re Go nyakile ka meokgo.”

<sup>100</sup> Na O rileng go yena? “A ga o tsebe gore Ke swanetše go ba go morero wa Tate wa Ka?” Ge nka be A be a le go morero wa Josefa, A ka be a be a dira dintlo, goba go lebenkele la go betla. Eupša O be a se morwa wa Josefa. “Ke go morero wa Tate wa Ka,” a phošolla dikereke tša maina tše le dithutotumelo le dilo tše ke kwago ka ga tšona. Le a bona? “Ke go morero wa Tate wa Ka.” Ga se nke a tsoge a amogetše Josefa e be e le tate wa Gagwe. Eupša Maria o dirile, gomme O retologetše morago go dikologa le go mo otlollela ntle.

O rile, “Tatago le nna re Go nyakile.”

<sup>101</sup> O rile, “Ke go morero wa Tate wa Ka,” go bontšha Josefa o be a se tate wa Gagwe. Mantšu a gagwe a phethagetše, le a bona.

<sup>102</sup> Eupša Maria le bona, ba no tšea gore seo. Gabotse, le bona seo se bego se le, o ile a thantshela. O—o bile. . . O be a nyaka go bontšha pele ga baprista ba le dilo gore—gore—gore o be a se mohuta wa mosadi. Gomme yena, ka go dira seo, o šwalalantše ka kgonthe motheo ntle go tloga ka tlase ga bopaki bja gagwe, ka morago ga ge a pakile gore Morongwa o tlile go yena, “Gomme o rile, ‘Wena o tla ima gomme wa belega Morwa, o sa tsebe monna, Morwa motswalwa ke kgarebe.’” Gomme fa pele ga Sanhedrin ye e phakgamego, o rile, “Josefa, Tatago fa, le nna, re Go nyakile.”

<sup>103</sup> Gomme Mošemane yola bogolo bja mengwaga ye lesomepedi o rile, “Ke go morero wa Tate wa Ka.” O mo kgadile, “Yola ga se Tate wa Ka!”

<sup>104</sup> Le a bona kereke lehono, e tšeešwe kgole ke dikhantshela le—le dilo tša lefase, bjale o fifaditšwe. Modimo o a mo kgala!

<sup>105</sup> Jesu ga senke a mmitša “mma.” Letšatši le lengwe o tlile go Mo etela mo kopanong ya Gagwe, ka go ntlo go swana le ye. Yo mongwe a tla, o rile, “Ka ntle ga monyako fale, Mmago le banabeno ba Go letetše.”

<sup>106</sup> O rile, “Mma wa Ka ke mang, banabešu ba Ka? Ke bomang?” A lebelela go dikologa barutiwa ba Gagwe, gomme o rile, “Bao ba dirago thato ya Tate wa ka, ke mma wa Ka, ngwanešu wa Ka, kgaetšedi ya Ka, go ya pele. Ke bao ba lego.”

<sup>107</sup> Gomme kua sefapanong, ge A e hwa, O rile go Johane, morutiwa yo monnyane, O rile, “Bona mmago.” “Mosadi, bona

morwa wa gago.” “Morwa, bona mmago.” Le a bona, ga se nke a tleleima, ka Boyena. E be e se Morwa wa gagwe. E be e le Morwa wa Modimo. O be a no ba feela popelo.

<sup>108</sup> Wo ke ngwako mosong wo, eupša ga se Kereke. Kereke e ka gare ga lena, Kriste. Moya wa ba ba hwago ba dutšego fa, o hlakane mmogo go mafelo a legodimong. Ke Kriste, e sego ngwako. Ngwako o lokile, o dira morero wa wona, eupša o šomišetšwa feela go dikopano. Maria o be a le feela popelo yeo A e šomišetšego go tla lefaseng, go itsebiša Yenamong makgatheng ga batho. E sego “mmago Modimo,” go no swana le ge ngwako wo e se Kereke ya Modimo. O no ba o šomišetšwa seo.

<sup>109</sup> Ya, bagwera ba bantši ba a nagana bjale, batho, batho ba ba lokilego bjalo ka Maria le Josefa, ba nagana gore—gore O na le le bona go direng se. Eupša bjalo ka ge ba bile nako yela, ba bjalo le bjale, ba phošetše. Ba naganne ba be ba na le le Yena, eupša ba be ba se. Eupša ge ba be ba kolobetšwa, batho ba ka be ba naganne, oh, ke—ke Mo amogetše ge ke Mo dumela gomme ka kolobetšwa. Yeo ga se yona. Go fihla Lentšu le le boletšwego le iponatša ka bolona!

<sup>110</sup> Eupša, Bakgethiwa, go reng ka Seetša bjale? Ke boletše kudu bjang ka leswiswi, gomme ke na le seripa sa nako ya ka godimo, masometharo go iri ya lesometee. Bjale a re e retolleleng morago go dikologa; leswiswi la kgotlombo godimo ga batho, bjale go reng ka Seetša? O rile leswiswi la kgotlombo le tla ba godimo ga batho, eupša go tla ba le Seetša, “Tsoga, gomme o phadime, ka gore Seetša se tlile.” Go ka ba bjang leswiswi le Seetša, e swanetše go aroganywa. Gomme ke selo se tee se e aroganyago, Lentšu le bonagaditšwe, le a aroganya, Le e pitlaganyetša go lehlakore le lengwe la . . . Šele leswiswi godimo ga lefase, eupša ge Lentšu la Modimo le le bonagaditšwego, letšatši, leo le boletšwego go ba gona ke Lentšu, le iponatša bolona, leswiswi le tšhabela go lehlakore le lengwe. Gomme ke seo se diragalago bjale, leswiswi le ikaroganya ka bolona go tloga go Seetša. Bjale go Kereke ye e kgethilwego go iri ye ya leswiswi. . . Yeo, re ka dula go yona diiri, eupša ke nagana ke boletše go lekanela go fihla le kwešiša seo—seo Mangwalo a se rago, ge ke rile, “leswiswi la kgotlombo godimo ga batho ba.”

<sup>111</sup> Bjale ke re go Kereke, “Shalom. Khutšo ya Modimo.” Khutšo! Mohebere yo mongwe le yo mongwe wa kgonthe, ge a kopana le yo mongwe, “Shalom.” Mantšu a mangwe, “Moso wo mobotse! Modimo a be le wena! Khutšo ya Modimo e sepele le wena!” Ke “Moso wo mobotse! O tsoga bjang?” Ke go hlaba ga letšatši, Kereke. Ke leswiswi godimo ga batho, eupša ke “Moso wo mobotse” go Kereke. Kriste o a tšwelela magareng ga rena. “Shalom. Khutšo.” Haleluya! “Shalom.”

<sup>112</sup> Ge re bona leswiswi le thea, leswiswi feela pele ga letšatši, re a tseba gore mphatlalatšane o lekeletše kua go tsebiša letšatši

le le tlogo. Ke, ke ge mphatlalatšane o phadima. Ke—ke—ke go ya magareng. Ka mehla ke leswiswiswiwi pele ga letšatši, go fifalamoka go a tla, ngwedi o šitwa go phadima. Leswiswiswiwi pele ga letšatši, ke ka gobane seetša se pitlaganya leswiswi. Eupša mphatlalatšane o a tšwelela gomme wa re, “Moso wo mobotse. Shalom.”

113 Yoo ke Yena magareng ga rena, Lentšu la Gagwe le tsebagatšwa. Shalom. Letšatši le legolo le itokišetša go hlaba, ge moso o hlaba Gosafelego, go phadima le bobotse, ge bao ba hlaotšwego ba Gagwe ba tla bothana go legae la bona ka kua ga lefaufau. Ge maina a bitšwa godimo ka kua, ke tla ba gona. Maina a rena a go Puku ya Gagwe, re tla ba gona. “Shalom. Moso o mobotse. Khutšo e be le lena.”

114 Leswiswi le ikaroganya ka bolona go tloga go Seetša. Modimo o a e hlola, Seetša se a e dira. Le a bona, Seetša se ipitlaganya ka Bosona ka tsela yeo go fihla leswiswi le swanetše go phuthegela mmogo. Ba bile le sebaka sa go Se amogela gomme ga se ba e dire, kafao se ikgobokantšhitše ka bosona. Gomme ba dira seo ka go tliša kereke mmogo, le Khantshela ya Dikereke, le go e kopanya le leswiswi la boheteni. Ge ba tiišitše go se kwane bjalo o tee go yo mongwe, eupša efela ba swanetše go sepela mmogo go dira bošego go tla godimo ga batho.

115 Jesaya 60:1 e re, “Tsoga, gomme o phadime, ka gore Seetša se tlile go wena.”

116 Tsoga, gomme o phadime, Seetša se tlile. Lentšu, Seetša, se hlatseditšwe gape. Seetša se hlatseditšwe gape, Lentšu la Modimo, gore o kgone go bona Modimo a bonagaditšwe go Tshepišo ya Seetša sa letšatši, goba Lentšu le filwego go lebaka le, le a bona, ditshepišo tše tšeo di diretšwego letšatši le, ditshepišo tše di boletšwego ke baprofeta, le ke Jesu ka Boyena. Mo letšatšing le! “Modimo, dinakong tša kgale. . .” Bahebere 1, “Modimo, dinakong tša kgale, ka mekgwa ye mentši o boletše le botatawešo ka baprofeta, eupša letšatšing le la bofelo ka Morwa wa Gagwe, Jesu Kriste.” Le a bona?

117 Seetša se segolo seo se lekeletšego lešokeng seo e bego, gore Moshe a tlogele Egepete, a bona kgobogo ya Kriste e kgolo go phala mahumo ao a Egepete.

118 Yena wa go swana yoo a kopanego le Saulo mo tseleng fase go ya Damaseko. Seetša se segolo se lekeletše pele ga gagwe, sona Seetša sa go swana, Pilara ya Mollo ya go swana. Saulo, a le Mohebere, o be a ka se rapele moya wo itšego goba e kaba eng, goba go e bitša “Morena,” ka go leemo le a bego ale. O rile, “Morena, ke Wena mang?”

119 O rile, “Ke Nna Jesu.” (Jesu o rile, “Ke tlile go tšwa go Modimo, gomme ke ya go Modimo.”)

120 Seetša sela sa go swana se tlile. Go eng? Go bonagatša, go—go dira go tsebja go batho ditshepišo tšeo A di dirilego go letšatši le, Seetša se se hlatsetšwego sa letšatši. Leswiswi le fifaditšwe.

121 Ge A etla, o be a le Seetša sa letšatši. Go be go swanetše go tla Mesia. Gomme o tlile feela tlwa bjalo ka ge Modimo a rile O dirile, o tla tla. Gomme ge A dirile, O be a le eng? Seetša sa letšatši. Gomme se pitlagantše leswiswi kafao kgahlanong le Yena! A seo ke nnete? O be a swanetše go neela Bophelo bja Gagwe gore Seetša se tšwelepele, se kgone go phadima. O be a le Seetša sa letšatši. Eupša gobaneng, gobaneng A bile Seetša sa letšatši? O be a le Lentšu le le hlatsetšwego leo le boletšwego, le dirilwe go bonagatšwa. E se go feta . . .

122 Modimo o rile godimo ga le le lesa, la go se tage, la go se etše, lefase la mogudi leo le emego fa ntle le seetša, O rile “a go be le seetša.” Gomme ga se go be seetša go fihla Lentšu lela le bonagatšwa, gona e bile seetša.

123 O rile, “Go tla tla Mophološi, Mesia.” E be e sešo ya bonagatšwa go fihla A etla go bonagatša tshepišo yeo. Gomme ge A hlatsela tshepišo yela, O rile, “Hlolang Mangwalo, ka gore ka go Ona le nagana le na le Bophelo bjo Bosafelego; gomme ke Ona Ao a pakago ka Nna.”

124 Ba rile, “Ga re tsebe fao Wena o tšwago, re barutiwa ba Moshe.”

125 O rile, “Ge le ka be le le barutiwa ba Moshe le be le tla tseba Nna, ka gore Moshe o ngwadile ka Nna.” Le a bona? O be a le ponagalo. O be a le go hlatselwa ga Lentšu le le boletšwego la Modimo ka Moshe.

126 Gomme lehono leo re phelago ka go lona bjale, Modimo o tlile go tiragalo go hlatsetša le go netefatša ditshepišo tša Gagwe. Kafao, ke Seetša sa iri, kafao re ka tsoga le go phadima. Seetša se phadima godimo ga rena gape lehono, Lentšu le dirilwe go bonagala. Ke Seetša.

127 Feela bjalo ka seetša sela se phadimago ntle fale, mahlasedi a letšatši, mosong wo. Seo ke Lentšu la Modimo le boletšwego, ga gona selo se sengwe gape se ka tlišago seetša bjalo ka sela. Ga se gona se ka kgonago go e dira. Seetša se sengwe le se sengwe sa maitirelo se a tuka sa fela ka sebakana se sennyane, le ditloupole se sengwe le se sengwe gape. Eupša sela ga se palelwe, ka gore ke Lentšu le le boletšwego la Modimo le dirilwe go bonagala.

128 Dithutotumelo tše nnyane tša dikereke tša maina di tla thuntšha tloupole, le go tshuma tloupole, le go senya fiuse, le se sengwe le se sengwe gape. Eupša Lentšu la Modimo le ka se ke la palelwa! Le tla ba Bolona, ka mehla, Lentšu.

129 Ke a tšhoga ke ya go kitima go nako ya tlaleletšo gannyennyane fa. Goba, goba go lokile go ya pele le go fetša



molaetša wo, ga se yona? [Phuthego e re, “Amene.”—Mor.]  
Go lokile.

<sup>130</sup> Tsoga, gomme o phadime, ka gore Seetša se tlile go wena.  
Lentšu, Seetša, se hlatseditšwe.

<sup>131</sup> Tsela e nnoši, bjalo ka ge Modimo a bile, Jesu Kriste o bile  
ponagalo ya Lentšu la Modimo le boletšwego, Seetša sa iri.

<sup>132</sup> Johanne Mokolobetši o be a le Seetša sa iri. O bile Seetša  
pele Jesu a e ba Seetša. Moprofeta Jesaya o rile, “Lentšu la  
segoeledi lešokeng, lokišang tsela ya Morena, gomme dirang  
tsela ya Gagwe e otlologe.” Leo e be e le Lentšu la Modimo le  
boletšwego, Le be le robetše fale, le sešo la tla go bophelo go  
le bjalo. Maleaki, moprofeta wa mafelelo, makgolo a mane a  
mengwaga pele e direga, o rile, “Bonang, Ke roma Motseta wa Ka  
pele ga Ka, go lokiša tsela ya Morena.” Fa go tla yo mongwe go  
tšwa lešokeng, ka ntle ga kereke ya leina, ka ntle ga thutotumelo,  
ka ntle ga boitsebišo. Eupša Seetša sa gagwe se mo tsebagaditše.  
Lentšu le mo tsebagaditše.

Ba rile, “A ke wena Mesia?”

<sup>133</sup> O rile, “Ga ke yena! Eupša ke nna lentšu la segoeledi  
lešokeng, ‘Lokišang tsela ya Morena!’”

<sup>134</sup> Jesu o rile, “Le ile la sepela go Seetša sa gagwe.” O be a le  
Seetša sa go etša le go phadima lebakanyana. Gobaneng? Go  
fihla tsela e lokišitšwe, morago Seetša sa gagwe sa tima.

<sup>135</sup> O ka se kgone go sepela go seetša *sela*, lena Mabaptist,  
*Se* ke Seetša sa iri! Seetša se tlile. Tsoga, gomme o phadime.  
Lentšu, Seetša. Lentšu, Lentšu la Modimo le le bonagaditšwego  
(tsebagaditšwe) ke Seetša.

<sup>136</sup> Bjale ke eng ka ngwaga wo moswa wo re o lebantšhitšego? Re  
ka ba le bontši go bolela ka bokagareng bjo, go tloga go leswiswi  
go ya go Seetša, go tsebišwa ga Seetša se e tla magareng, eupša  
bjale re nyaka go tsena thwi ka go otlologa go ngwaga wo moswa.  
Go lokile.

<sup>137</sup> Ngwaga wo moswa, ngwaga wo moswa, ke eng ka ona? Go  
tliša kholofelo ye mpsha. Re ngwaga o tee kgauswi. Re letšatši le  
tee kgauswi go feta re bile maabane. Re iri e tee go batamela go  
feta re bile ge ke thoma, metsotso ye lesomehlano—lesomehlano  
go lesometee, ke metsotso ye lesomehlano go fihla go lesomepedi  
bjale. Re iri e tee go batamela! Ga re lebelele morago, re lebelele  
pele. Le a bona? Oh! Ee, mohlomphegi. Ngwaga wo moswa ga o  
re go phutholla letlakala le leswa. Huh-uh. Aowa.

<sup>138</sup> Go swana le monna moso wo mongwe; ke e kwele. Monna o  
tsogile ka pela gomme a ya ntle le go tšea pampiri, a tla morago,  
gomme a dula fase, a bea maoto a gagwe godimo ga sofa, a rwala  
digalase tša gagwe, a thoma go bala pampiri. Mosadi wa gagwe,  
ntle a dira difihlolo, o rile, “John, se sengwe se seswa?”

139 O rile, “Aowa. Selo sa go swana sa kgale, e no ba batho ba baswa.” Ya. Yeo ke nnete. Dipolao, go kata le se sengwe le se sengwe, yo mongwe gape o e dirile, le a bona. Therešo.

140 E sego go phutholla letlakala le leswa. Ke, go retologela go Lentšu, go bona seo Lentšu le se tshepišago go lehono, go bona seo Seetša sa letšatši se swanetšego go ba. Seo re swanetšego go se dira ngwaga wo ga se go ya morago dithutotumelo le dilo, go ya morago go dikereke tša rena tša kgale tša maina, e sego go ya morago go dikereke tša maina tša kgale; eupša go retologela go Lentšu, go bona mohuta wa Seetša o swanetšego go phadima lehono. Oo, kereke, retologelang go Lentšu, boelang morago go Lentšu, tobetšang switšhi ya nnete, tlogelang go tiana go dikologa go dietša tša mohlagase, le a bona, tša maitirelo, madirwa ke motho. Retologelang go Lentšu la Gagwe gomme le bone tshepišo ya letšatši. Gomme gona le bone seo tshepišo e lego, gomme le šetšeng boitsebišo bja yona. Ge e hlatseditšwe, gona le a tseba ge e ba le ka go Seetša goba aowa. Go bona seo tshepišo e lego.

141 Go fetola matlakala goba go fetola ditšhupamabaka ga go fetoše nako. Batho ba bantši ba re, “Gabotse, ngwaga wa kgale o sepetše, lahlela kgole tšhupamabaka ya kgale ya Desemere bjale gomme o bee godimo ye nngwe, ngwaga wo moswa.” Seo, seo ke seo ngwaga wo moswa o se rago go bona.

142 Go nna, ke nyaka go bona seo se tshepišitšwego go letšatši. Ke nyaka go tseba seo Seetša sa iri se lego, gore ke kgone go tseba ka fao nka sepelago ka go sona. Ke nyaka go tseba fao ke phelago, lebaka leo ke lego ka go lona, bokgole bjo bokae ke lego go tsela.

143 Bjalo ka Paulo a boletše, nka ema go tsopola gape, “Go lebala dilo tšela tšeo di fetilego, bjale ke phegelela go ya go leswao, pitšo e phagamilego,” go boitsebišo bjo bo feleletšego, ge nako ka moka e tla sesefalela ka go Bokagosafelego ge Jesu a etla.

144 Dirang bjalo ka ge Dafida a dirile, beang bokamoso bja lena ka diatleng tša Gagwe. O se lebelele go e kaba eng gape, eupša bea ya gago. . . Dafida o rile fa, o rile—rile, “Nako ya ka e ka diatleng tša Gagwe.” Le a lemoga fa ka go Dipesalome fao re e badilego, go 62, “Nako ya ka e ka seatleng sa Gagwe. Ke leswika la ka.” Ke Yena eng? “O utolotšwe go nna. Ke Therešo ye e utolotšwego. Nako ya ka e ke diatleng tša Gagwe.” Amene. Oh, nna! Ke lena bao.

145 Nako ya ka ke ya Gagwe. Ke wa Gagwe. Ke ka seatleng sa Gagwe ka gobane O swere nako. Ga ke tsebe tše bokamoso bo swerego, eupša ke a tseba O swere bokamoso. Kafao, Yena Yo a swerego bokamoso o nts hwere. Kafao gobaneng ke swanetše go nagana ka go bea pele *se, sela, se sengwe* go ngwaga wo moswa? Ke no ipea ka bonna ka diatleng tša Gagwe, ka sepele bjalo ka Dafida a dirile, “nako ya ka e ka seatleng sa Gagwe,” ke tsebile gore Modimo o swere tša ka moso. Dafida ga se a tseba seo tša ka

moso e lego, eupša o tsebile Modimo o na le tša ka moso. Ga ke tsebe seo tša ka moso e lego, ga go motee wa rena a dirago. Eupša re a tseba O swere tša ka moso.

146 Go se fele pelo. Go se fele pelo. Bangwe ba rena re tsena bjalo, bangwe ba rena ba ba lepotlapotla. Ke nagana monna ba bantši ba go loka ba dirile seo. O tsena ka go lepotlapotla kudu—kudu ruri. Le nyaka go, le a bona, o nyaka go e dira ka bowena.

147 Gomme modiredi moena, o tseba go tloga ge ke bolela, wena o theeditšego theipi ye. Ke bolela le wena, e sego feela go phuthego ye nnyane fa, eupša banna go dikologa lefase.

148 Banna ba bantši ba ya ntle, ba fela pelo; eupša ba dumela gore nako e batametše, o leka go dira se sengwe ka gare ga gago. Letela Morena. Go se fele pelo ke maatla. Ge o ka ba le go se fele pelo, ke maatla. Ke maatla ge o . . . “Bao ba letelago godimo go Morena ba tla mpshafatša maatla a bona.” E sego bao ba lekago go ya pele ga Morena, bao ba lekago go botša Morena, “Morena, ke a tseba O nyaka ke dira se, gomme letago go Modimo ke . . .” O se dire seo. Letela Morena. Beibele e rile, “Bao ba letelago Morena ba tla mpshafatša maatla a bona.”

149 Modimo o tšere mengwaga ye dikete go phethagatša tšhepišo ya Gagwe ya Mophološi yo a tlogo. Eupša, elelwang, O e tsebile dinako ka moka, ge e be e etla. Go be go na le batho ba bantši ba tsogetšego godimo le go leka go ba bomesia. Dikereke tše dintši di lekile go tšweletša bomesia. Eupša Modimo o bile le nako e beilwe go Mesia wa Gagwe. O be a se go lepotlapotla. Le a bona?

150 Gomme, mo nakong ya se, O bontšhitše diswantšho tše dintši tša Mesia. O e bontšhitše ka moka tsela go tloga go Adama go ya go Mesia, wa pele le wa mafelelo Adama; yo motee wa bona wa lefaseng gomme yo Motee yo mongwe wa Legodimong, yo motee wa lefaseng yo Motee yo mongwe wa Legodimong, yo Motee o tšwa fase go tloga Legodimong gomme yo motee yo mongwe o tšwa go tloga lefaseng. Eupša go tšhepišitšwe Mesia, O tšere dikete tša mengwaga go e phethagatša.

151 O bontšhitše ka Josefa tlwa seo A bilego. Josefa o Mo swantšhitše.

152 Dafida o Mo swantšhitše. Ge Dafida e be e le kgoši ya go ganwa, o ile godimo ntlhoreng ya thaba gomme a lebelela morago le go llela godimo ga Jerusalema, bjalo ka kgoši ye e gannwego, yoo e be e le Jesu ka go Dafida. Mengwaga ye makgolo a seswai moragorago, o eme godimo ga Jerusalema bjalo ka Kgoši ye e gannwego, o rile, “Jerusalema, Jerusalema, ke ga kae ke nyakile go go alamela bjalo ka kgogotshadi e dira matswiana a yona, eupša ga se o nyake.”

153 Lebelelang Josefa, o belegwe magareng ga banababo, diphathriaka; e sego wa mafelelo (kgauswi le wa mafelelo; Benjamin o bile wa mafelelo), eupša feela pele ga wa mafelelo, le a bona, feela pele ga yona. A hloilwe ke banababo, a ratwa ke

tatagwe. O be a hloilwe ka gobane o be a le monna wa semoya. O be a kgona go hlatholla ditoro, di be di nepile tlwa. O be a kgona go bona dipono, a bolelelapele dilo tšeo di tla diregago. Gomme ba mo hloile. O ile a rekišwa ka dithoro tše masometharo tša silibere.

<sup>154</sup> Jesu ba be ba hloetše eng? Ba Mmiditše Beletsebulu ka gobane O be a le Lentšu, gomme Lentšu le kgona go hlatha dikellelo tšeo di lego ka pelong. Ba Mo hloile. Gomme ba Mo rekišitše ka dithoro tše masometharo tša silibere.

<sup>155</sup> O ile a lahlelwa ka moleteng, Josefa o bile, go tšeelwa gore o hwile. Kobo ya gagwe ya madi ya tlogelwa morago, bjalo ka seaparo sa madi sa Jesu seo se tšerwego godimo go tšwa sefapanong, kobo yeo A bego a e apere, go tsebagatša lehu la Gagwe. Eupša Modimo o dirile eng go Josefa? O mo tlišitše godimo go tšwa ka moleteng, a mmea ka letsogong le letona la Farao. Gomme ga go motho a bego a ka bona Farao, go bona feela Josefa. Gomme ge Josefa a tloga paleising, ditrompeta di leditšwe gomme kwalakwatšo ya ya pele, “Letolo le lengwe le le lengwe le khuname, Josefa o a batamela.”

<sup>156</sup> Selo sa go swana, Jesu. O ntšhitšwe go tšwa moleteng, fao go bego go tšeelwa gore o hwile, gomme a rotošetšwa godimo le go bewa ka letsogong le letona la Bogoši. “Ga go motho yo a bonego Modimo le ka mohla o itšego, eupša Motswalwanoši wa Tate. Gomme ge A tloga fao, ditrompeta di tla galagala, gomme letolo le lengwe le le lengwe le tla khunama le leleme le lengwe le le lengwe le tla ipolela.” Le a bona, Ke Mokgoma wa katlego. Lebelelang seo Egepete e dirilego nako yeo, e phološitše lefase lohle, komelelo e tlile godimo. Kafao, kafao go tla ba ka go tla ga Morwa wa motho. Letolo, letolo le lengwe le le lengwe le tla khunama le leleme le lengwe le le lengwe le tla ipolela go yena go beng.

<sup>157</sup> O bontšhitšwe ka moka ka diswantšho, eupša Modimo o tsebile tlwa O tla tla neng. O tsebile tlwa ge A etla. Ga go tshwenyege ke ba bakae ba bilego pele ga seo, O be a na le Mesia wa Gagwe. O ba bontšhitše ka diswantšho, seo se bego se etla.

<sup>158</sup> Feela tlwa bjalo ka ge A re bontšhitše Mabaka a Dikereke a Šupago, seo se tla tlogo. Fela tlwa seo A re bontšhitšego seo se tla tlogo ge A bea Seetša sela godimo fale, ka kutollo go sona, go bontšha lefase. Ge A romela Barongwa ba šupago go utolla batseta ba šupago bao ba bilego tlase go kgabola fale, le go bontšha dintlhana tšeo di lokalokago, Morongwa yo mongwe le yo mongwe a etla letšatši le lengwe le le lengwe le go utolla dintlhana tšeo di lokalokago tšeo Luther a di tlogetšego, le Wesley a di tlogetšego, le Pentecost e di tlogetšego, ka moka di emetšwe ka gare fale. Gomme go sona seswantšho le morithi wa Shalom ye kgolo, Jehofa, Jvhu. Le a bona? Tlwa. Go E lahlela

lefaufaug, gomme fale go leihlo la motšhene le tšea senepe sa Yona. Le a bona? Lebogang Morena!

<sup>159</sup> Shalom! Khutšo! Le se lape, Jesu o fa. Seetša sa Gagwe se segolo se tlile go rena, gomme re a Se leboga, ee, Lentšu la Gagwe, phihlo ye kgolo. Šo Yena lehono a iponagatša ka Boyena, a dira sa go swana bjalo ka ge A dirile nako yela, feela sa go swana. Go dira sona selo sa go swana.

<sup>160</sup> Re dibopiwa tša nako. Yena ke Modimo wa Bokagosafelego. Re leka go ipitlaganya ka borena, re leka go dira se sengwe go fapana, “Oo, *se* se swanetše go dirwa.” Elelwang, O tseba ka moka ka ga sona. E ya go direga, go le bjalo. A nke A e dire. E no ikgafela ka bowena go Yena.

<sup>161</sup> Lebelela godimo, gomme o phadime ka lethabo la Morena, go tseba gore o bile le monyetla, mahlo a gago a ponyologile le go bona letsatši le. Tshepela go Yena go tša ka moso. O Mmone a hlatsela Lentšu la Gagwe mo matšatšing a go feta. Yena yo a hlatsetšego Lentšu la Gagwe mo matšatšing a go feta le go dira ka moka dilo tše tše dingwe di direge feela tlwa go iri yeo re phelago, se sengwe le se se sengwe tlwa, go ya go Molaetša wa morongwa wa bošupa, bobedi Se di bontšhitše legodimong, mo lefaseng, le go dira Se tsebje ditsela tše tharo gore go se be le go thelela godimo, elelwang, O tshepišitše O tla tla gape. Haleluya! Lentšu leo le tla hlatselwa. Lentšu la Modimo la tshepišo, le mengwaga ye dikete tše pedi tša go leta, O tla fihla mo nakong! Le se lape, O tla ba fa. Bjalo ka ge a hlatsetše Lentšu la Gagwe go lebaka le lengwe le le lengwe, Mabaka a Kereke a bontšha selo sa go swana, le go utollwa ga Morena wa rena ke Molaetša wa bošupa, le go ya pele. Modimo o e utolotše, o e bonagaditše, le go e netefatša. Gomme ka mo magareng ga rena lehono, O ipontšhitše ka Boyena fa le rena, le go netefatša le go hlatsela Lentšu la Gagwe. Kafao O tla!

<sup>162</sup> Go tla ba le Mileniamo. Batšofe ba tla ba baswa kua go ya go ile. Bolwetši bo tla sesefalela kgole gomme lehu le ka se sa ba gona. Ba tla aga dintlo, ba tla di dulela. Ba tla bjala dirapa tša merara gomme ba tla ja dikenywa tša gona. Ba ka se bjale gomme yo mongwe a dulela (morwa wa gagwe a e tšea), morwa wa gagwe o tla be a dula hleng le yena. A ka se bjale gomme yo mongwe a ja, go hwa gomme yo mongwe gape a e tšea; eupša o tla dula fale. Amene. Phiri le kwana di tla fula mmogo. Gomme tau e tla ja mahlaka bjalo ka pholo, gomme ngwana o tla di hlahla go dikologa. Go tla ba le—go tla ba le go se tsebe molato. Go tla ba le—go tla ba le—go tla ba le go se be selo sa go gobatša. Re tla fetolwa go tloga go seo re lego bjale, go ya go seswantšho sa letago sa Morwa wa Modimo Yoo a sa hwego. Mengwaga e ka se tsoge ya Mo kgwatha, go gola go ka se kgone go dira e ka ba eng go Yena, Yena ke Morwa wa Modimo yo a sa hwego. Kafao re tseba gore—gore re mo nakong ya bofelo. Re mo magahlanong.

Dilo tše ka moka di tsebagaditšwe ka go tsenelela, kafao e tla tsebagatšwa gape.

<sup>163</sup> Bjale, bokamoso, O bo swere. Ke tseba bjang O ya go tla neng? Yena O ya go tla neng? Ga ke tsebe, eupša O tla ba fa. Yeo ke nnete. O tla dira neng *bjalo* le *bjalo*? Thogako e tla tloga neng go lefase? Ke neng diponagatšo tša lehlogonolo tše tša lerato la Modimo, tša mehlare e eme fa le go phadimela ntle, le matšoba le dilo, ke neng di tla golelago go se hwe? Ga ke tsebe, eupša di tla. Ke neng diponagatšo ka moka tša dipelo tša batho di dumago go phela, le dipetlele le dingaka le dikaro, le go lla le manyami, di tla fela neng, go ya go pušo ya letago le Jesu ya dikete tša mengwaga tša Shalom? E tla ba neng? Ga ke tsebe. O rile e tla ba gona. Ga ke tsebe O ya go e dira bjang, eupša Lentšu le le boletšwego la Gagwe le tla hlatselwa ge Letsatši la Toko le tla hlaba le phodišo diphegong tša Lona. Gomme karolo ya phodišo fale e ka se be phodišo ya tlhago bjalo ka ge o nagana, bjalo ka ge go thwe yo mongwe o na le bolwetši gomme bo tla tlošwa go tloga go bona. Ke seo A se dirago bjalo, ka seswantšho. Eupša sebopiwa sohle se tla fetolwa! Sa go hwa se se tla tšea go se hwe. Botšofadi bjo bo tla tabogela ka go bofsa. Amene. Gabotse, e tla ba bjang? Ga ke tsebe, eupša e tla ba gona.

<sup>164</sup> Ke a tšofala, ka bonna. Ngwaga wo, ge Modimo a ntumelela go phela go bona la 6 la Aprele, ke tla ba bogolo bja mengwaga ye masometlhano tlhano, mokgalabje. Eupša ga se ke lebelele. . . Ga ke nyake go ya morago go ba mošemane gape. Ke nyaka go pinyeletša go ya go leswao lela kua, go morero woo ke o tletšego. E ka ba mengwaga ye e ka ba go masometharo bjale ke eme ka morago ga teske ye, go tloga go mošemane yo monnyane wa mengwaga ye e ka bago ye masomepedi le metšo bogolo, e ka ba masomepedi tee, masomepedi pedi a mengwaga bogolo, ke lekile go kwagatša Molaetša wo. Gomme moelo wo mongwe le wo mongwe wa maatla a ka ke o beile go Wona. Ge magetla a ka a kobega gomme moriri wa ka o fetoga wo mopududu le go wela ntle, ga ke lebelele morago go sela, e tla tla go ona gape. Ke lebeletše ka kua go go hlaba ga letsatši fao Lentšu le le hlatsetšwego la Modimo le rilego “ga go le o tee wa moriri wa gago o ka go senyega, gomme Ke tla o rotošetša godimo gape ka matšatšing a bofelu.” O ya go e dira bjang? Ga ke tsebe. Eupša ke tšhepa. . .

<sup>165</sup> Ngwaga wo moswa, ga ke tsebe o swere eng, eupša ke tseba Yo a o swerego. Tšeo ke dikholofelo tša ngwaga wo moswa ke nago. Ge A ka tla, Amene. Ge A ka se tle, ke tla no ba ke sa šoma ge A ka mpoloka. Ke no tshepela bokamoso go yena. Ga ke tsebe seo bo lego, ke no bo tshepela go Yena. Le Mmone a hlatsela Lentšu la Gagwe, kafao le a tseba e ya go dirwa. Lentšu la Gagwe!

O re, “Ngwanešu Branham, o hwetša seo bjang?”

166 Gabotse, a nke ke fe mogopolo wo o itšego fa motsotso feela. Le tseba seo kwelobohloko e lego? Ke a tseba le a dira. Ke mmmino, ke terama. Le a bona, ba e bapala ntle.

167 Bjale, lena bana ba bannyane, gore le tle le kwešiše. Le elelwa kua—kua sekolong, ke a dumela le na le . . . Ke eng kwelobohloko ye nnyane yela ya Russia, dinako tše dingwe ba—ba bapala ntle ka meropa, le a tseba e bitšwa, ga se yona . . . mabapi le—le sephaphadikwata se sennyane, le a tseba, yeo e tlogo fase ka go dikota; gomme ba bile le go tlošatloša, go bethwa ga meropa le dilo. Gomme o a ekwa ka moka bjalo ge o eya go kgabola semfoni, ge ba e bapala. Ke lebetše leina la yona, “Peter le Phiri.” Ke nnete, “Peter le Phiri.” Bjale, yeo ke—yeo ke kwelobohloko ya Russia. Le a bona, ga ba—ga ba na dilwana tše nnyane—tše nnyane di fofa go dikologa, go e bapalela ntle, eupša ba e bapala godimo ga meropa [Ngwanešu Branham o kokota go kota ye itšego—Mor.], gomme morago [Ngwanešu Branham o kokota go se sengwe gape], le go dira meropa le medumo le dilo. E e bapalela ntle, e a e diragatša. Kafao, le tla kwešiša seo Ngwanešu Branham a lekago go se bolela. Le a bona?

168 Bjale go lena ba bagolo, Lengwalo ke semfoni ya Modimo. Ee. Haleluya. Ke Mohlami a nnoši a tsebago seo e se rago ka kgonthe gomme O se utolla go bao ba theeditšego, bao ba na le go kgahlego ka go tseba seo terama e lego sona. Eupša o swanetše o tsebe ka kwelobohloko pele, le a bona. Ga e no ba se sengwe o se bonago, ke go—go fetolwa, magahlano a Lentšu, a mmmino. E lahlela; nako ye nngwe e ya tsela *ye* lebakanyana, morethetho wo itšego, morago ga lebakanyana e fetoga ka moka go dikologa. Ke eng? Go lena ba le ka se E kwešišego goba le sa tsebego ka Yona, le se na kgahlego go Yona, e no ba mathaithai feela, ke tlhakanantswiki. Eupša go bao ba tsebago ka ga Yona, ba E šeditše, ba a tseba E etla. Haleluya!

169 Kafao re na le dinako tše tša disemfoni tša Semfoni ya Lentšu la Modimo, gore terama yohle e a fetoga. Lena bao le nago le kgahlego, theeletšang phetogo yela. Le a tseba e tla kgauswi. Le kwa tsela ye meropa e bethwago, amene, go nyaka se sengwe go direga. Le a tseba se ke phetogo, le a bona, se ya go robegela ntle ka go go thunyeng mo metsotsong e se mekae. Le a bona? Gomme le e šeditše, le ka bolela tsela ye meropa e latelanago. O Modimo! Ge le ka kgona go kwa meropa ya mafetšo bjale, ge le ka kwa medumo ya mmino wa Lentšu la Legodimong le opela ka Bolona ntle, “Gomme e tla phethagala mo matšatšing a bofeloi!” Kwelobohloko ya terama ye kgolo ya Modimo yeo A e bapalago, E a Mo fetola, kwelobohloko ya Gagwe magahlanong. Mohlami le bao ba nago le kgahlego, theeletšang phetogo. Ke seo dilo tše ka moka di lego go rena, re theeditše, re šeditše. Nako ye nngwe le ye nngwe ge A tšwelela, se sengwe se a direga, re bona nako e batamela kgauswi. Re bona morago ka kua e se botelele kgale ge Mabaka a Kereke a be a thadilwe ntle, re be re theeditše. Re

bone e be e le maleba le Lentšu, e rethetha le Lentšu. Morago ga lebakanyana, go diregile eng? So O a tla, ka Boyena, gomme a le hlatsela.

<sup>170</sup> Re kwele Lentšu le bolela la gore, “Mo matšatšing a morongwa wa bošupa.” Mo Lebakeng la Kereke, O no re, “Molaetša wa morongwa wa bošupa o tla ba Molaetša wa mafelelo.” Gomme morago, oo, re hwetša godimo fa go Kutollo 10, “Mo matšatšing a Molaetša wa morongwa wa bošupa, diphihlo tša Modimo di tla be di fedile,” Lehuto la Bošupa le tla be le gogetšwe morago. Le swanetše go ba fa. Ka gona ka moka ga tee, ge e direga, pono ya tšwelela, e rile, “Eya Tucson, lešata le legolo le tla direga mo nakong ye ka gona o tla kwešiša gabotse le go tseba gore le rometšwe. O tla no šikinya lefase, bokgauswi.” Ka moka ga lena le tseba ka ga yona. E godimo ga theipi, dikgwedi pele e direga. Morago ya direga! Morago ya tšwelela lefaufaung. “Shalom!” Ke eng? Ke go fetoga ga meretheto, kwelobohloko.

<sup>171</sup> Morago nako ye nngwe O boletše mabapi le Kgogedi ya Boraro; ka fao e tla tlogo tsela e tee ye, morago ka go tseba pelo, gomme morago Lentšu le le boletšwego.

<sup>172</sup> Jesu o rile, “Dilo tše kgolo go feta se le tla dira; ka gore Ke ya go Tate wa Ka.” Johane 14, “Mediro ye Ke e dirago, le tla e dira le lena; ye megolo go feta ye, ka gore Ke ya go Tate wa Ka.” Feela bjalo ka ge ke boletše lebakanyana la go feta, ge Maria a lekile go Mo tsebagatša bjalo ka morwa wa Josefa, O mo phošolotše. Mantšu a gagwe a ka se palelwe! O boletše bjalo, “Magodimo le lefase a tla palelwa, eupša Mantšu a Ka a ka se ke.”

<sup>173</sup> Ge re ekwa kwelobohloko e retetšwa, e fetoga, e lokišetšwa go fetoga, ke nako ya magahlano. Re lemoga bjalo ka ge A thoma go—go retha, gomme re bone, “Mediro ye Ke e dirago, le tla e dira le lena, le ye megolo le tla e dira.” “Ye megolo,” O e tšepišitše. Re makala e tla ba bjang.

<sup>174</sup> Eupša a le lemogile ge A dira mohlolo wa Gagwe wa mathomo, o tšere meetse a a fetolela go beine. A yeo ke nnete? O tšere meetse, ao ka kgonagalo letšatši tsoko a ka bago beine, eupša e bile meetse pele.

<sup>175</sup> Gomme ge a fepa ba dikete tše tlhano, O dirile eng? O tšere se sengwe seo se bilego go swana le meetse, O tšere hlapi yeo gatee e kilego ya rutha gomme e tswetšwe go tšwa go lee, gomme a e ngwathaganya, gomme hlapi ye nngwe ya hloga ka go tlhola yeo e bego e le tlhola ya setlogo. O tšere borotho bjoo gatee e bego e le korong, le go ba peu gomme ya ba borotho, gomme O rathagantšhitše go tšwa go borotho bjo gomme tlhago ya atišwa feela.

<sup>176</sup> Eupša ka sethokgweng, go be go se selo fale go dira sehlora. “A go be le,” gomme fao gwa ba le, ka ntle ga e ka ba eng go ngwathwa go tšwa go yona. Ke eng? Jesu Kriste wa go swana!



Le a bona? “Dilo tše kgolo go feta se le tla dira, ka gore Ke ya go Tate wa Ka.” E sego go tšea se sengwe se hlodilwego, go ngwatha se sengwe go tšwa go sona le go atiša tlhologo, eupša ka go phethega go hlola. Go bontšha gore Ke Jehofa wa go swana a ilego a ema morago fale gomme a re, “A go be le,” gomme gwa ba le. Lentšu la gagwe le dirilwe go bonagatšwa! Ge A dirwa nama lefaseng, O tšere tlhologo ya Gagwe ya setlogo, a e ngwatha morago le go e atiša. Eupša bjale mo matsatšing a bofelo, ge A etla fase magareng ga rena gape, Seetša sa go swana se sepetšego fase, se rile “a go be le seetša,” le a bona, O no bolela tlhologo go beng gona. “Tše kgolo go feta se le tla dira, ka gore ke ya go Tate wa Ka.” Elelwang, re mo dinakong tše.

<sup>177</sup> Gomme lefase ga le kwešiše, ka gobane, “Ke sehlopha sa ditšiebadimo.” Ka gobane ga se bona Mamethodist, Mamethodist ga ba E kwešiše. Ka gobane se, ga se bona Mabaptist, Mabaptist ga ba E kwešiše. Ka gobane ga se Yona Katoliki, Katoliki ga e E kwešiše. Ka gobane Yona ga se Pentacostal, Pentacostal ga e E kwešiše.

<sup>178</sup> Eupša bao ba letelago Morena, bao ba lebeletšego! E sego monna yo motee yoo re na go histori ya botsitsinkelo, go se tsebe Naledi yela e fetilego godimo. Eupša ba bohlole ba tsogile ba E latela go dimaele tše lekgolo, mengwaga ye mebedi, ba E šeditše le go E latela. Le a bona se ke se rago? Ke go bao ba theeditšego kwelobohloko.

<sup>179</sup> Elelwang, Mohlami o tseba mafelelo go tloga go mathomo. O tseba ka moka ka ga yona, leo ke lebaka A kgonago go e ngwala fa. Ka kgonthe. Bjale o swanetše o thome ka Yena, o swanetše o thome. Ge o nyaka go kwa kwelobohloko, o thoma ka Yena bjalo ka mmimo wa kwelobohloko. O a theeletša, o a tseba se e se bolelago, e ya go ba seo semfoni e lego, morago o thoma go theeletša mmimo. Gomme o a tseba seo e lego, kafao o tseba feela ka ga, “Fa ke moo dilo tše *itšego tše itšego* di diregago, bjale e swanetše go fetoga.” Bjale, go e ka ba mang gape yoo a sa tsebego mabapi le seo ba se. . . go no sepelela ka gare le go dula fase, e no ba sehlopha sa ditšiebadimo, lešata la go no baka lešata. Eupša yo a tsebago seo e lego, se rethetha ntle le mmimo, le dirwa moropa ntle le dintho, ke go—ke go pidinywa le ditrompete, ke go tswidinywa le diharepa, ke go bapalwa le dibaolini, ke go—ke go rethethwa go peisi, ke go galagatšwa ka ditrompete, ke go pidinywa ga meropa. Selo sohle mmogo ka go morethetho, gomme se dira te—te terama go fihla o kgona go tswalela mahlo a gago gomme wa phela ka go yona. Halleluya!

<sup>180</sup> Motho a ka kgona go tswalela mahlo a gagwe a a hwago go mmono wa lefase gomme a phela ka go Bogona bja Jesu Kriste, ge o bona Lentšu la Gagwe le rethwa ntle ka go kwelobohloko ye kgolo yeo re phelago ka go bjale, go fetoga. O swanetše o thoma ka go Semfoni. Selo se nnoši o ka go se dira ge o le ka go Semfoni, gona o a thoma, o thoma go tsena ka go morethetho.

Yeo ke tsela yeo o dirago Modimo. Ga o eme kgole wa e lebelela. O tsena ka go morethetho wa Yona! O tsena bjang ka fale? O tswalelwa ka go Yona, ka go morethetho wa Lentšu, ge o eba karolo ya Lentšu lela.

<sup>181</sup> O be o swanetše go ba karolo ya motantsho go tsena ntle ga motantsho. O swanetše go ba karolo ya papadi ya kgwele, se sengwe o nago le kgahlego ka go, go tsena ka go papadi ya kgwele.

<sup>182</sup> O swanetše go ba karolo ya Lentšu, go tseba Semfoni ya Modimo. Semfoni ya Gagwe ke ge E bapala, o a kwešiša, o matšha le go moretho wa nako. O e šeditšwe, “Mediro ye Ke e dirago, le tla e dira le lena; ya go feta ye le tla e dira,” matšatši a a bofelo. Oo, nna! Go fetoga go gogolo ga nako. Re tsena ka go moretho, moretho wa Lentšu. Hwetša morero wa Gagwe, nako ye re phelago. Tsena ka go morethetho wa yona, ka fao go direga. . . ka fao A e dirago. Ge o tsena ka go Lentšu, o hwetša ka fao A e dirilego kua mathomong, gona o a tseba ka fao A e dirago dinako ka moka.

<sup>183</sup> O rometše Molaetša wa Gagwe bjang, la mathomo? O dira eng? Ga A šome ka mekgatlo. Ga se nke a dira, kafao ga A e dire bjale. Ke fao, ge e ba o theeeditše go morethetho wa Khantshele ya Dikereke, o leswiswing. Eupša ge e ba o theeeditše go morethetho wa Lentšu!

<sup>184</sup> Jesu ba mmolaetše eng? “Wena, o le Motho, o itira Modimo ka bowena.”

<sup>185</sup> Le na le Molaetša wa ka ka ga *Mehuta Ye Meraro Ya Badumedi*. Ka fao yo motee a emego fale gomme. . . Go bile le moitiramodumedi, ba latetše mmogo lebakanyana, ba dira o ka re ba dumetše. Gomme letšatši le lengwe Jesu o rile go bona, o rile, “Le ka nagana eng ge Morwa wa motho, yo a tšwago Legodimong, a rotogela morago ka Legodimong? Ke tla go tšwa Legodimong, ke ya morago Legodimong?”

<sup>186</sup> Gobaneng, lešaba le sepeletše kgole, gomme ba re, “Se ke selo se sethata.”

<sup>187</sup> Morago fale go tla baitirabadumedi bao ba bego ba sepela le Yena, ba masomešupa, ge ba hwetša se sengwe se bothata, ga se nke ba bone gore e. . . ga se ba tseba Kwelobohloko. Ga se nke ba tseba Tshepišo, gore Ngwana yo o be a le Jehofa, “Leina la Gagwe e tla ba Moeletši, Mokgoma wa Khutšo, Modimo yo maatla.” Gomme ge A rile, “Ge Ke rotogela godimo Legodimong go tšwa fao Ke tšwago!”

<sup>188</sup> “Gabotse,” ba rile, “ye ke Polelo ye thata. Ke mang a ka E kwešišago? Re a tseba o no ba Motho. Re ja le Wena, re robala le Wena, re ka dithokgweng le Wena, re mo meetseng le Wena. Gabotse, O no ba Motho, gomme wa re Morwa wa motho o ya morago godimo fao A tšwago? Wena o ka reng? Ye ke Polelo ye thata!” Le a bona, ga se nke ba tseba moretho. Ga se nke ba tseba

morethetho wa Kwelobohloko ya Lentšú la Modimo, gore O be a le Modimo a bonagaditšwe nameng, ka gore O be a le se—se Seetša sa Lentšú la iri seo se hlatsetšwego. Ga se ba e hwetša. Ba rile, “Se ke Selo se sethata. Ke mang a ka go kwešiša Se?” Gomme ba retologa go tloga. Ga se nke ba tseba moretho, le a bona.

<sup>189</sup> Gona re lemoga gape, fao go bile Judase, moitiramodumedi, goba mosedumele, yo a letilego go fihla a hwetša phošo. Morago A retologela go barutiwa, o rile feela ba lesomepedi, gomme Judase e le yo mongwe wa bona, O rile, “Le nyaka go sepela, le lena?”

<sup>190</sup> Gona Petro a re, “Re tla ya go mang, Morena? Ke Wena Mohlami.” Amene. “O tseba ka fao e yago pele. Ke Wena a nnoši yo a nago le Lentšú la Bophelo. Re tla leba kae? Re ka se ye morago go ba Mofarisei, goba Mosadutsei, goba Moherodian,” goba e ka ba eng e ka bago. “Ke Wena yoo a nago Lentšú la Bophelo. Ga re na lefelo le lengwe go ka ya. Re šetše, re šetše re tšoenne ka borena go Khonsata ye kgolo ye. Re ka gare fa, re theeditše, gomme re ka go morethetho. Re a dumela gore O Morwa wa Modimo, Jehofa yo a bonagaditšwego. Re na le kgonthe ka se! Ga re tsebe seo diteko le mathata a magolo a, le tlaišego le dilo, gomme Wena o re O ‘ya godimo go ka neelwa godimo,’ le ka moka *se, sela, se sengwe*, gomme ‘mo letšatšing la boraro,’ dilo tše ka moka. Ga re kwešiše Seo. Eupša re ka gare, go theeletša Kwelobohloko ya Modimo, re karolo ya yona. Gomme re letile go bona seo se diregago go latela, gomme re šetše morago kgauswi le Wena.” Oo, nna! Seo ke se ke nyakago go se dira. Tshepišo.

<sup>191</sup> O thomile bjang? Feela go swana ge A dirile kua mathomong. Le a bona? Ga se nke a tsoge a rometše Molaetša wa Gagwe go mokgatlo. Ga senke a tsoge a rometše sehlopha sa gagwe Molaetša, O rometše Monna o tee. Mo matšatšing a Noage, e bile Noage. Mo matšatšing a Moshe, e bile Moshe.

<sup>192</sup> Go bile le ba bangwe ba naganngwe nako ye nngwe, gore ba rile, “Gabotse, o tla e itira ka bowena monna yo mokgethwa a nnoši mo sehlopheng.” Modimo o ile a lebelela fase go seo.

<sup>193</sup> Moshe o ile go Morena, “Ke dirile *se*. Ke eng, ke eng ke swanetšego go dira?”

<sup>194</sup> O rile, “Ikaroganye ka bowena go tšwa go bona. Ke tla hlokomela ka moka ga yona. Ke go romile. Ke boikarabelo bja Ka.” Gomme O butše lefase godimo gomme la metša godimo Kora le ka moka baganyetši. Ka mehla.

<sup>195</sup> Johane le Jesu ba ka se kgone go ba ka nako ya go swana. Jesu . . . Ge Johane a lebeletše godimo, o rile, “Bjale ke swanetše go kokobala, O swanetše go godišwa. Ke yena Seetša se se hlatsetšwego.” Go tla ba bjalo ka Seetša se se sepela pele go fihla a ka hwetša go hlatsetšwa go go tletšego go etla. Yeo ke nnete. Yeo ke nnete.

196 O bjalo ka ge A bile mathomong. Ke ka fao o thomago, ka fao o thomago go ithuta seo Modimo a lego. O dirile eng ge A be A le fa lefaseng? Ke mohuta ofe wa bophelo A bo phetšego? O ile A dumelelana, O be a le mosetielele? A O ile go mekgatlo? O itsebišitše ka Boyena bjang? “Puruputšang Mangwalo! Le nagana . . . Ka go Wona le nagana le na le Bophelo bjo Bosafelego, gomme ke Ona a Matee a pakago ka Nna.” Le a bona, ke selo sa go swana lehono goba e ka ba nako ye nngwe ye efeng. Ge le nyaka Seetša, bonang seo Lengwalo le se bolelago go iri ye. Go lokile.

197 O thoma kae, gona? Ge go na le modiradibe fa, o thoma sefapanong ge o itemoga ka bowena o hwile le Yena. O tsene ka gare gona go te—te terama ye kgolo. O theeditšhe, gona, o šeditše lephephe la gago bjalo ge o le swere ka seatleng sa gago, kwe—kwe—kwe Kwelobohloko. O—o na le lephephe ka seatleng sa gago leo le tla go botšago dilo tše, fao diphetogo tša mmimo di thomago go e dira e bapale ntle, gona o bona seo tiro e lego. Ge o bona Moya wa Modimo o wela godimo ga batho le go dira dilo tše itšego, o lebelela morago le go bona fao e lego. Go bona ge eba ke yeo, ge e ba seo ke selo sa lehono. Gobaneng, ba bile le lephephe ka seatleng sa bona ge Jesu a etla, ya Kwelobohloko. Ka kgonthe, ba dirile.

198 Ke bolela lentšu leo gabotse, semfoni, kwelobohloko? Ke holofela bjalo. Kafao gona ke nno direga go nagana ka yona. Semfoni? [Yo mongwe phuthegong o re, “Semfoni.”—Mor.] Semfoni. Yeo e lokile? Go lokile.

199 Bjale, ba bile le lephephe ka diatleng tša bona, eupša ba tlile go dira eng? Ba be ba leka go lebelela morago go moretho wo o bilego le ka moka . . . karolo e šetše e bapetšwe ntle. Ke seo dikereke di dirago lehono. Ba lebelela morago, go bona ke karolo efe Luther a bapetšego; Malutheran a dira. Ga ba tsebe go fetoga ga mmimo. Ga ba tsebe seo Modimo a se dirago lehono ge A dira dilo tše, Malutheran. Pentecost e re, “Oo, re E swere.” O swere lephephe leo le bapetšwego ntle mengwaga ye masometlhano ya go feta. Le a bona? Ka kgonthe. A re no boloka Lentšu le ka diatleng tša rena, le go šetša ge diphetogo di etla, gona re tla tseba seo re se dirago.

200 Bjale, gomme o thome ka Yena sefapanong. “Sokologa, gomme o kolobetšwe mo Leineng la Jesu Kriste, go tebalelo ya dibe; gomme o tla amogela Mmino, Taetšo,” le a bona, “Lentšu la Gagwe, Moya wo Mokgethwa wo o bonagatšago Lentšu.” Morago o latele go kgabola le morethetho wa Lentšu. E ka ba eng Mmino o rethago go iri yeo, retha le Wona. Le a bona?

201 Batho ba bantši ba botšišitše, “Gobaneng?” Ba botšišitše. Ba botšišitše, nako ye nngwe ba mpotšišitše, “Gobaneng? Gobaneng dilo tše di swanetše go direga? Eng, gobaneng, gobaneng se se ile sa ntiragalela? Gobaneng ke ile ka thoma gomme se sa direga,

gomme ke—ke bile le bothata *bjo* fa, gomme *se se* ntschwabišitše fa, gomme ke lahlegetšwe ke *se fa*?”

202 Dinako tše dingwe ke botšišitše, “Gobaneng?” Gobaneng, ge ke be ke sa le modiredi yo moswa, sa pele ya thomela ntle, a Modimo o tšere mosadi wa ka thwi ntle go tšwa ka tlase ga ka, go tšea lesea la ka thwi go tloga ka botlase bja ka, thwi botlase bja pelo ya ka? Gobaneng A dirile seo? Ga se ke tsebe. Ke a tseba bjale. Ke no swara seatla sa ka ka go la Gagwe gomme ka ya pele ke tshepa.

203 O tseba magahlano a mangwe le a mangwe. O a tseba morethetho o swanetše. . . ge e swanetše go direga. O tseba seo e se tšeago go go bopa, O tseba mohuta wa ditlabelo A yago go di tšomiša. Le a bona? Thoko ya morago ya leganata dinako tše dingwe, fao Modimo o bopa banna ba toko go ba bakgethwa le baprofeta. Le a bona? Le a bona? Ke fao banna ba rethwago ntle. Banna ba rethwa ntle, ka go Lentšu. Ge ba hwetša mehuta ka moka ya dithutotumelo le dilo ka go bona, a nke ba tle go Lentšu gomme Modimo a e rethe thwi ntle ga bona, go e bopa thwi ka go Ye, ka go Semfoni ye kgolo le, ya Lentšu la Gagwe. Le a bona? Gomme ba bona Lentšu le sepelela pele.

204 Modimo o tseba ge morethetho wa yona o swanetše go fetoga. O tseba ka fao morethetho o yago. Ga ke tsebe ka fao o yago, eupša O a tseba. O tseba ka fao e yago, ga ke tsebe. Eupša ke a e lebelela fa, gomme ka re, “Gabotse, e no tla.”

205 “Ditlaišego tša moloki di atile, eupša Modimo o mo phološa go tšona ka moka.” Le a bona? Modimo o sepetše go kgabola histori ka morethetho wa tshepišo ya Lentšu la Gagwe, go lebaka le lengwe le le lengwe, ka morethetho wa go swana, a dira Lentšu la Gagwe. Ke ka fao Modimo a sepetšego fase go kgabola histori, go tloga tsela ka moka go tloga go Genesi go fihla go Kutollo, O sepetše go kgabola histori ka Lentšu la Gagwe. Yeo ke nnete, ka morethetho wa—wa maatla a Moya wo Mokgethwa o hlatsela Lentšu la Gagwe go Bakgethiwa. Elelwang, ga se nke a kgona go kgoma kereke ya ka ntle. Ke feela Bakgethiwa.

206 Lebelelang bona baprista, o rile, “Monna yo ke Beletsebubu. Ke mmolelamahlatsepele. Gobaneng, O—O—O bala dikgopolo.”

207 Ga se ba ke ba tseba, “Lentšu le bogale go feta tšhoša ya magalemabedi, mohlathi wa menagano yeo e lego ka pelong.” Gomme O be a le Lentšu.

208 Efela mmalegogwana yo monnyane yo a eme sedibeng letšatši lela, go hwetša motomo wa meetse, o rile, “Ke a bona Wena o Moprofeta. Re a tseba Mesia o etla. Ga se re be le baprofeta e ka ba makgolo a mengwaga, eupša re a tseba Mesia o etla. Gomme ge A etla, seo ke se A yago go ba.”

209 O rile, “Ke nna Yena.” Seo se bile sa go lekanela. Gobaneng? Morethetho o rethile ntle! Mosadi o be a lebeletše phetogo yela, go tloga go kereke ya kereke ya leina go ya go Mesia a

hlatsetšwego. Gomme šo O eme, Mesia yo Moshe a boletšego ka ga, “Morena Modimo wa lena o tla tsoša Moprofeta wa go swana le nna.” Šole O fale. Morethetho o fetogile, Peu ye e hlatsetšwego e O lemogile.

<sup>210</sup> Gomme ge Lentšu la Modimo la kgonthe le wela godimo ga ye e hlatsetšwego, godimo ga Peu, gomme ba bona Lentšu lela le hlatsetšwego, ba a Le lemoga. Ba lebeletše go Lentšu, ba a tseba magahlano, ba tseba nako, ba tseba phetogo, ba tseba moretho wo o swanetšego go ba go iri yeo. Haleluya! Ba tseba moretho, ba tseba nako, ba tseba ka fao e swanetšego go sepela. Le a bona, ke feela Bakgethiwa ba E tsebago.

<sup>211</sup> Ge Filipi a e bone, o be a sa e kgotlelele botelele bo itšego, o tsebile yoo e be e le Mesia. Kafao o ile go moisa, ba be ba na le go ithuta Beibele mmogo. “Nathaniele,” o rile, “etla, bona Monna. Etla, bona seo re se hweditšego, re hweditše Jesu wa Nasaretha. Re hweditše Jesu wa Nasaretha, yoo ke Moprofeta yo Moshe a boletšego ka yena gore o tla tla. Re Mo hweditše. Re Mo hweditše.”

<sup>212</sup> O rile, “Go ka ba bjang? Ke no. . . O be A le kae?” Le a bona, o be a se. . . Le a bona, o be a sa tsebe morethetho feela tlwa. Ba be ba ithuta. Eupša ge a fihla fale, o mmoditše, a mo tsebiša go Lentšu.

<sup>213</sup> Gomme ge a fihla fale, Jesu o rile, “Bonang Moisraele,” morethetho wa thoma go swarelela, terama ye kgolo e be e bapalwa ntle fale sefaleng, goba lepatlelong, letšatši leo. Mohlomongwe Jesu a eme godimo ga leswika, a bolela le batho. Gomme ge Filipi a etla godimo le Nathaniele, O lebeletše ka godimo go yena, gomme a re, “Bonang Moisraele, yo a se nago bofora.”

O rile, “Rabi, ke neng O kilego wa ntseba?”

<sup>214</sup> O rile, “Pele Filipi a go bitša, ge o be o le ka tlase ga mohlare, Ke go bone.” Oo, nna!

<sup>215</sup> O be a le karolo ya yona! O rile, “Wena o Morwa wa Modimo! Wena o Kgoši ya Israele.” Ga go tshwenye seo me—me meretho ya lefase e bego, le ka moka maipshino a bona ba bilego le ona a—a dikereke tša maina, e be e se Kwelobohloko yela ye kgolo ya Modimo. Amene. O rile, “Wena o Kgoši ya Israele! Ke Wena fale! Ke a e bona. Ke a e tseba.” Gobaneng? O be a Kgethilwe. Peu ye e Kgethilwego e a tseba. Ka mehla e kgabola lebaka le lengwe le le lengwe, gore ba e tseba.

<sup>216</sup> O re, “Eupša, Ngwanešu Branham, o reng ka mme le papa wa ka, o reng ka batho ba ka, o reng ka kereke ya leina ya ka, ke eng—ke eng ba tla e dirago? Ba tla ntelekela ntle. A ke. . .” Ge o ka se kgone go lebelela pele, lebelela godimo. O se leke go lebelela pele, go le bjalo, bea seatla sa gago ka go sa Gagwe. A nke A go hlahle. Lebelela godimo, se lebelele pele. O re, “Gobaneng, gobaneng ba bangwe ba dira metlae ka nna ka moriri wa ka

wo motelele, gomme nna ke apola dišothi, le mabapi le nna go tlogela kereke.” Huh! Go tlaišega sebakeng sa Leina la Gagwe ke mahloko a golago a mogau wa Gagwe. Ya. Go tlaišega sebakeng sa Lentšu la Gagwe, le a bona, ke mahloko a golago a mogau wa Gagwe. Ee, mohlomphegi! E no elelwa, ke mogau wa Modimo o o filwego wena. Oo, na!

217 Bjalo ka Paulo a boletše, haleluya, o be a na le bofokodi, se sengwe se be se mo tshwenya. O be. . . Diabolo o be a tla—o be a tla mo hlasela, letswele morago ga letswele. Gomme a ya go Morena, makga a mararo, go e tloša go yena, o rile, “Ga ke nyake se, Morena. Se tloše go nna!”

218 Gomme gona bošego bjo bongwe Morena o boletše le yena, o rile, Saulo, goba, “Paulo, Mogau wa ka o lekanetše.”

219 O rile, “Gona ke tla hlalala ka bofokodi bja ka. Ke tla hlalala ka go bjona. Ke a tseba ke Wena Mofodiši. Ke go bone O fodiša balwetši, o tsoša bahu, le go lelekela bodiabolo ntle, o bula mahlo a difofu. Eupša ke tlile go Wena, gomme O mpotša ke mogau wa Gago o lekanetše, gona diabolo yo yoo a ntshwenyago ke—ke mahloko a a golago a mogau wa Gago. Gona ke tla hlalala go mabofokodi a ka. Gobaneng? Ge e ba e se be ke iphagamiša godimo ga boati bja kutollo.” Le a bona?

220 Le a bona, o—o bile le se sengwe barutiwa ba bangwe ba bego ba se naso, o Mmone morago ga lehu la Gagwe, poloko, tso go, le go rotoga. O Mmone. Ba bangwe ba bona ba re, “Gabotse, ke sepetše le Yena.” Go bile bjalo le go yo mongwe le yo mongwe mo mokgotheng. Eupša ka morago ga ge A hwile, a bolokwa, a tsoga, le go rotogela godimo, le go boela morago ka go sebopego sa Pilara ya Mollo, O boletše le Paulo. Yeo e bile bontši go feta e ka ba mang wa bona ka moka ba bilego le. Amene.

221 O rile, “Ntle le gore ke iphagamiše gomme ka nyaka go aga seminari e kgolo bogolo le se sengwe le se sengwe gape, le se sengwe se segolo bogolo gape, gore ke se—se iphagamiše godimo ga boati bja kutollo ye, Modimo o dumeletše motseta wa diabolo a fele a mpethetše fase.” O rile, “Gona ge ke fokola, ke tiile.” Amene. Amene. Mahloko a golago a mogau! Amene. Re ka dula godimo ga seo nako ye telele; iri le metsotso ye masomenne tlhano šetše e fetile, gomme—gomme re tlaišetšwa mahloko a mogau wa Gagwe.

222 Oo, A ka no dumelela makopano a ditsela. A ka no dumelela makopano a ditsela go re leka, go re phethagatša go tirelo ya Gagwe. A ka no dumelela yeo bjale, Kereke, bobedi fa le go thepi. A ka no dumelela makopano a ditsela go tirelo ya rena.

223 Bjalo ka ge a dirile Daniele. O file Daniele makopano a ditsela a mannyane letšatši le lengwe. Le a tseba, o be a le monna yo mogolo fase ka Babele. O dirile, O tlogetše kgoši go retologa kgahlanong le yena le go mo lahlela ka legolong la ditau. Se mo phethagaditše feela. Ka kgonthe se dirile!

224 A tlogela bana ba Bahebere ba eya ka go leuba la mollo. Ba be ba ikemišeditše go emela Lentšu la Gagwe!

225 A ka no dumelela mantšu a go hlakahlakana, a ba tlogela ba go sega ka go ba le moriri wo motelele, a ba tlogela ba go sega ka go bolela gobaneng o bile mopshikologi yo mokgethwa goba e ka ba eng gape. E ka no, ba ka no go tlogela o sege. . . ba ka no go sega go seo, seo, seo, seo ka moka se lokile. Yeo ke makopano a ditsela, yeo ke magahlano a manyane. Seo ke go netefatša se sengwe.

226 Le a bona, selo se nnoši seo makopano a ditsela a se dirilego go bana ba Bahebere bao ba emetšego Lentšu, e no ba lokolla go tšwa go ditlemo ba bilego le tšona go dikologa dinao le maoto a bona.

227 Gomme dinako tše dingwe go tšea meleko ye methata go kgaola ditlemo tša lefase go tloga go rena. Dinako tše dingwe Modimo o re tlogela re be le moleko wo monnyane, le a tseba, go bona seo re tla se dirago, go go ntšha ntle ga lefase. Goba, mantšu a mangwe, go go tlogela o be le moleko wo monnyane le go go rapalatša ntle ga mokgatlo wola, le kgopolo yela ya “Methodist ke yona e nnoši, Baptist, goba Pentacostal, goba seo ke—seo ke sehlopha se nnoši ba nago le. Ge o sa e dumele bjalo ka ge kereke ya ka e e dumela, ga o dumele le gatee.” Dinako tše dingwe O tlogela moleko wo monnyane go direga. Mohlomongwe o na le leseala go babja. Mohlomongwe se sengwe se diragala thwi ka iri ya lehu. Mohlomongwe yo mongwe o tšea go tloga go wena, goba se sengwe. Se ke go dira eng? Go go kgaoganya, go go bontšha se sengwe, go bula mahlo a gago. Mohlomongwe o tlile go swaswalatša, nako ye nngwe. Mohlomongwe o theeditše theipi ye feela go swaswalatša. Mohlomongwe Modimo o dira seo go kgaola ditlamo tše dingwe tša lefase tšeo di go tlemilego fase.

228 Bjalo ka motho a kgangwa ka nokeng, o swanetše go ntšhetša motho ntle ga noka pele o ka ntšhetša noka ka ntle ga motho. Yeo ke nnete. O swanetše go mo ntšhetša ka ntle ga noka pele, morago o ntšhetša noka ka ntle ga gagwe. Nako ye nngwe Modimo o swanetše go e dira ka tsela yeo. O dumelela magahlano, makopano a ditsela go dira seo. Ema go ditshepišo tša Gagwe, Lentšu, gobane ga di palelwe le neng. Bokamoso, bjoo bo ka seatleng sa Gagwe. Ema bjalo ka ge ba dirile, o se—o se ineele.

229 Abraham, mo makopanong a ditsela a gagwe, o tsebile gore Modimo a ka kgona go tsoša godimo morwa wa gagwe go tšwa bahung, go tšwa fao a mo amogetšego mo makopanong a ditsela. Abraham o tla go makopano a ditsela a gagwe. Gomme ka morago ga ge a tshepile Modimo gomme a bone ka moka mehlole ya Modimo. Mengwaga ye masomepedi tlhano o letile mošemane, morwa wa tshepišo, gomme morago Modimo o mmoditše go ya go dira sehlabelo sona selo seo a ilego a se leta. Nna, oo, nna, a nako! Eupša a Abraham o ile a thekesela? Bala Baroma, ya 4 tema, e



rile o be a “kgotšwe wa go tlala.” Amene. O be a kgotšwe wa go tlala ka seo Modimo a se tshepišitšego, Modimo o be a kgona go dira. Amene. O dumeletše makopano a ditsela. O be a bontšha ka Abraham, go rena, le a bona, O kgona go tsoša bahu.

<sup>230</sup> Abraham o rile, “Ke mo amogetše bjalo ka yo a tšwago bahung.” Popelo ya Sarah e be e hwile, popelo ya Sarah e be e hwile; gomme yena, mmele wa gagwe o be o hwile, o be a le mokgalabje. O be a se na ditšhika tša matutu go fepa lesea. Gomme ba be ba se na. . . Gabotse, go be go se selo. Gomme o be a sa belege, ka boyena, gomme mosadi o be a le moopa. Le a bona? Ga go tsela ye nngwe le gannyane. Gomme o mo amogetše bjalo ka yo a tšwago bahung, o rile, “Ge Modimo a ka dira seo, Modimo a ka mo tsoša godimo go tšwa bahung. Ka gore Modimo wa go swana yo a mpoditšego lesea le tla tla, gomme ke eme gomme la tla, A ka kgona go mo tsoša go tšwa bahung.” Ka gore, O dira se sengwe le se sengwe se šome mmogo go tša go loka go bona bao ba Mo ratago. Amene.

<sup>231</sup> Modimo Yo a dirilego tshepišo, mo matšatšing a bofelo dilo tše di tla direga tšeo re bonago di direga! Ge a tshepišitše morwa, gomme morwa a tla; ge A tshepišitše ka moka dilo tše tšeo re di bonago ka Lengwalo, gomme e dirile, a re tšeneng ka go morethetho wa yona. O tshepišitše mo matšatšing a bofelo dilo tše di tla direga, gomme re a e bona. O tshepišitše O tla romela Jesu. Haleluya. Go tla ba le Mileniamo! Go tla ba le letšatši le leswa. Go tla ba le letšatši leo letšatši le ka se tsogego la sobela gape, ka gore. . . re ka se hlwele re le hloka gape, ka gore Kwana ke Seetša sa Toropokgolo ya fao re yago. Amene.

<sup>232</sup> Mahube a letšatši le leswa, ke a kwa ka moka godimo ga ka bjale. Seetša sa letšatši le leswa! Seetša sa letšatši fao go ka se bego le bošego, go ka se be le leswiswi, ga go meriti, ga go mafaufau, ga ga—ga go go tuka go gonnyane, mafaufau a maso, ga go mašegogare, ga go mabitla, ga go matšoba godimo ga meboti, ga go molokoloko wa dipoloko, ga go dingaka, ga go bolotabahu. Amene. Ke—ke kgona go kwa mahlasedi a Seetša sa Gagwe a šwahla go kgabola godimo ga soulo ya ka. Letšatši le leswa! La kgale le pitlagana go ya kgole.

<sup>233</sup> Bjalo ge ke ekwa madi ao a hwago a tšhologa go kgabola mmele wa ka, ke kwa go kukwa ga Moya wo Mokgethwa go etla ka gare ka morago ga yona, “Tsoga, gomme o phadime!”

<sup>234</sup> Se sengwe se rile, “Billy Branham, o a tšofala, o a fokola, magetla a gago a a hlepha, moriri wa gago o fetoga bopududu le go hlohlorega.” Yeo ke nnete. Gomme leswiswi le leswiswi la kgotlombo godimo ga lefase!

<sup>235</sup> “Eupša tsoga, gomme o phadime!” Ke kwa go ewa fale go kukwa ga Seetša sa Ebangedi ya letago ya Jesu Kriste yeo e ntirilego sebopiwa se seswa ka go Yena. Ke lebeletše go letšatši leo, amene, go letšatši le leswa. Ga ke tsebe seo bokamoso bo lego.

Ga ke tsebe seo bo se swerego, 1964, e ntshwaretšego goba ga go selo gape, eupša ke swere seatla sa Yo a swerego Bokagosafelego, Yo a lego Bokagosafelego. Amene.

<sup>236</sup> Abraham o tsebile gore Modimo a ka kgona go mo tsoša godimo gape, kafao o Mo tshepile.

<sup>237</sup> Kafao, go ngwaga wo moswa, ikemišetše go dula le Lentšu la Gagwe le seo Le se tshepišitšego, bjalo ka ba bangwe (Go kgethwa) ba dirile matšatši a mangwe. Ge o ikwela gore o bone Seetša seo se hlabilego ka godimo ga gago, sa Jesu Kriste, ponagalo ya Gagwe ya Moya wo Mokgethwa wo mogolo wa Gagwe mo matšatšing a a bofelo. Gomme, elelwa, elelwa, dula le yona, seo A se dirilego, o yo mongwe ba Bakgethiwa; gomme seo yena, Bakgethiwa mo matšatšing a mangwe, bjalo ka Abraham, ge a e bone, ge e be e le ka moka kgahlanong le netefatšo ya saentshe. Noage o e bone, gomme e be e le ka moka kgahlanong le netefatšo ya saentshe. Moshe o e bone, gomme e be e le ka moka kgahlanong le netefatšo ya saentshe. Mengwaga ye ya botswerere ye e fetilego; eupša Bakgethiwa bao ba e bonego, ba eme go tla! Amene.

<sup>238</sup> Gomme go bokamoso, a re emeng go tiiša go tshepišo. Modimo o e dirile, go tšwa go Modimo go e bona e phethega. Ke no ba ke latela morethetho. Ge o rethetha fase nako gomme e re “bjo ke bofelo bja William Branham mo lefaseng,” gona ke tla ya ka morethetho. Gona ke tla tsoga gape ka morethetho. Haleluya. Yo Motee a o rethago ka gare, o o rethela ntle, o o rethela gare gape. Ke morethetho wa Modimo, “Ke tla mo tsoša godimo mo letšatšing la mafelelo. Yo a dumelago go Nna o na le Bophelo bjo bo sa felego. Yo a kwago Mantšu a Ka gomme a dumela go Yo a Nthomilego, o na le Bophelo bjo Bosafelego; gomme a ka se tsoge a tla ka go kahlolo, eupša o fetile go tloga lehung go ya Bophelong.” Ke tla latela go rethetha ga Lentšu. Amene. E sego go rethetha ga pelo ya ka; go rethetha ga Lentšu! Ga go tshwenye seo e lego, ge pelo ya ka e sa rethe le Lentšu, gona pelo ya ka e phošo. Amene. Ka gore, Yena ke Lentšu! Amene. Beibele e re botša seo, Lentšu la Modimo.

<sup>239</sup> Ke be ke theeditše lenaneo, go tla godimo, Billy le nna, sebakanyana sa go feta. Gomme e be e le Beibele ye . . . ir—ir iri e bitšwago seprofeto, iri ya . . . E bitšwa eng? Se sengwe mabapi le seprofeto. *Lentšu la Seprofeto*. Ka kgonthe, ke Maseventhday Adventist. Ba bile le a mane goba a mahlano maina a go fapana. Mamillirite ke seo ba bilego, le go thoma.

<sup>240</sup> Ke bona ba ba rilego, godimo fale ka kopanong, gore “Ke tleleimile go ba Jesu Kriste; gore ta—ta Tate yo Mokgethwa o godimo ga ka, Pilara ya Mollo yela, gomme ke be ke le Jesu Kriste.” Go diregile go ba mogwera wa ka a eme fale kopanong ya bona ye nnyane, o emeletše godimo gomme o rile, “Le tla swanela go netefatša seo, gobane ke tla mmitša thwi fa. Ke nyaka

le bone nako e tee fao a kilego a ipolela seo,” le a boa, le bjalo ka seo. O be a bolela ka ditumelo tša go fapafapana le dilo mo lefaseng.

<sup>241</sup> Ba a tseba. Nako ye nngwe ke tlemile gare le bona ka ga potšišo ye ya *sabatha*. Ba na le letšatši la kgale le le fetilego. Moya wo Mokgethwa ke Sabatha ya rena, Beibele e boletše bjalo, “Etlang go Nna, ka moka ba le šomago gomme le rwele boima, Ke tla le fa sabatha ya disoulo tša lena.” E sego “letšatši.” Paulo o rile, “Lena le bolokago letšatši, ke a le boifa.” Le a bona, yeo ke nnete. Ee, mohlomphegi. “Go sa na le khutšo,” Bahebere 4, “go batho ba Modimo, ba go boloka sabatha. Ka gore rena ba re tsenego ka go khutšo ya Gagwe, re feditše go tšwa medirong ya rena, bjalo ka ge Modimo a dirile go ya Gagwe.”

<sup>242</sup> Eupša seboledi sa bona, sebakanyana sa go feta, lenaneo le lebose, ga ke na selo kgahlanong le bona. Nka dira se sengwe le se sengwe nka kgonago go thuša. Go ba swarela ka go lokologa go e bolela, gobane ba boletše se sengwe seo e sego sa maleba. Eupša yeo e lokile ka moka. Thuto ya bona e no ba bjalo ka Dihlatse tša Jehofa le Bakriste ba Saentshe, le ka moka tše dingwe ditumelo tše, le a bona, selo sa go swana. Eupša hlokomelang, ba no ba bjalo ka wo mongwe o itšego mokgatlo, ga se ba foša bontši, ke a thanka, go feta ka moka ga bona. Lentšu ka mehla le nepile, le a bona, Le tla inetefatša ka bolona ntle ka go nepagala. Hlokomelang.

<sup>243</sup> Eupša bjalo ka ge a be a bolela, monna o rile, “Re na le puku ya ngwaga.” Mongwadi yo, oo, leina la gagwe ke mang, seboledi sa yona? Ke lebetše feela tlwa seo leina la gagwe e lego bjale. O boleletše Bannabakgwebo ba Bakriste godimo ka Seattle fa e se kgale botelele ka go Bobotse bja Lefase. Gomme o—o rile, mogaši yo o rile, “Monna yo a ngwadilego puku, puku ye hlwahlwa kudu ya ngwaga wo.” Ke a ganetša.

<sup>244</sup> Puku ya ngwaga wo ke Beibele! Ke Seetša sa lefase. Ke Modimo ka Boyena. Puku ya rena ya ngwaga ke Beibele. Go wo 1964, Puku ya rena ke Beibele. Gomme mengwaga ka moka ya go tla, Puku ya rena ke Beibele. Ka moka mengwaga e fetilego, E bile Puku ya mengwaga ya go feta, Puku ya mengwaga e tlogo, gomme Ke Puku ya Bokagosafelego. E utolla ke Modimo. Ee, E utolla Modimo. Ngwaga wo mongwe le wo mongwe wo o tlogo, ke Puku ya ngwaga. Ge—ge e ka ba neng o ekwa Beibele e bolela se sengwe, ke tshepišo e hlatsetšwego, go tla sa Bokagosafelego, letšatši le lengwe. Beibele ke Yona e re fago tshepišo ye, ge o ekwa Beibele e bolela gore go tla letšatši ge Jesu a tla tla. Gomme bjalo ka ge ke bolela lehono bjale. . .

<sup>245</sup> Ke swanetše go tswalela, gobane ke—ke bile fa diiri tše pedi, le a bona, thwi godimo ga yona.

<sup>246</sup> Lebelelang, ge—ge Beibele e re botša dilo tše tše di tlogo, e bolela ka diiri ka moka tšeo—tšeo re fetilego go kgabola.

Matšatši a Noage a boleletšwepele. Matšatši a ka moka tše dingwe tše, Lengwalo le boleletšwepele. Matšatši a Martin Luther a boleletšwepele, matšatši a Wesley, matšatši a Pentacostal. Iri ye re phelago ka go yona e boleletšwepele. Se sengwe le se sengwe se diregile feela tšwa ka tsela ye se bilego. Gona ge. . . Ke eng? Ke Lentšu le le boletšwego la Modimo, le le hlatsetšwego ke Modimo, le le dira Seetša sa iri. Le a bona, feela bjalo ka ge letšatši le le. Ge Lentšu, Lentšu ka bolona, ke Seetša ge le hlatselwa go nako yeo e lego ya gona. Le a bona, e hlatseditšwe, gona ke Seetša sa iri.

247 Johane o be a le Seetša, o—o be a le bontši Seetša go feta Eliya le bona ba bilego. Eliya. O be a se Seetša sa Eliya, eupša o be a le Eliya ka sebopego se sengwe, Seetša se se hlatsetšwego. Le a bona, o be a le. Gomme ge Jesu a etla, O rile, “O be a le Seetša sa go etša le go phadima sa sehla. Le rata go sepela ka go Seetša sa Gagwe.” Le a bona?

248 Gomme Johane o rile, “Bjale ke swanetše go fifala ntle. Ke swanetše go ya ntle bjale, Seetša sa ka se feditše go phadima. Ke swanetše go ya ntle. O swanetše go oketšega. Yena ke Seetša.”

249 O rile, “Ke nna Seetša sa lefase.” Amene. Yeo ke nnete. “Wa go swana maabane, lehono, le go ya go ile.” Gomme O sa le Seetša sa lefase. Gomme ke Yena eng? “Mo mathomong go bile Lentšu, gomme Lentšu le be le le Modimo.” Gobaneng A bile Seetša sa lefase? Ge A ka tla, o rile O be a le Mesia, gomme ga se A dira bjalo ka ge Beibele e rile Mesia o tla dira, gona O be a se Seetša sa lefase. Le a bona, ke Lentšu le le hlatsetšwego leo le e dirago Seetša sa lefase.

250 Gomme ka go iri ye re phelago ka go yona bjale, Lentšu le le hlatsetšwego la iri ye! Mapentacostal, le re, “go bolela ka maleme,” le go ya pele. Leo e bile Letšatši la Pentecost, seo e bile Seetša sa iri ka nako yeo. Le a bona, le ke letšatši le lengwe. Yena ke Seetša sa iri ya lehono.

251 Lebaka la Kereke ya Bošupa, le kgeigantšwe ka moka ntle, le Jesu ka ntle. Ngwedi wa e tsebagatša, leswiswi ka moka le tšile godimo ga lefase. Seetša se pitlaganela gare bjale, go thoma go bontšha seo se yago go diragala. Selo se tla senywa, gomme Seetša se tla tla ka gare le go e senya. Gomme Bakgethwa ba tla abelwa lefase, ba boleta ba tla abelwa lefase. Lefase, leswiswi ngwedi le tla tlošwa. Leswiswi la bošego le tla feta, leswiswi le lehu la lona le dithutotumelo, le go tloga kgole le Lentšu la Modimo, dilo tša go aroga tšeo ba di bolelago. Gomme Seetša se tla hlaba godimo ga letšatši.

252 Gomme elelwang, ge Beibele ye e tletšego. . . Theeletšang, go tswaleleng. Ge Beibele ye e tletšego e šetše e bonagaditšwe ka botlalo, gona go tla ba le Shalom ya Bokagosafelego, Khutšo ya Bokagosafelego. Le a bona?

253 O tlike, gomme gwa thwe O be a le “Khutšo lefaseng, kgahlišo go motho,” eupša lefase ga se la e amogela. Le a bona? Le a bona? O be a le Khutšo go mang le mang yo a tlogo go Yena sebakeng sa Khutšo. Le a bona? Khutšo lefaseng, kgahlišo go motho, O be a le Khutšo go ngwaga wo moswa wola go thoma, letšatši le leswa la Modimo. Ka lebaka la eng? O be a le Seetša se se hlatsetšwego sa letšatši. Le a bona?

254 Eupša go na le bontši Lentšu go ka hlatsetšwa. O swanetše go hlatsetša bontši Lentšu. Gomme ge Lentšu la mafelelo le hlatsetšwe, le hlatsetšwe, a ka re, gona lehu le tla metšwa godimo ka go pheny, gomme bahu ka go Kriste ba tla tsoga, Mileniamo o tla thoma, gomme e tla ba Khutšo ye nngwe ye kgolo, Shalom. A re phelelang letšatši leo, ngwanešu, kgaetšedi, go Shalom ye kgolo ye tee yela.

255 Elelwang, Beibele ke mothopo wa bohlale ka moka, gomme e swere ka moka dikholofelo tša bokamoso. Go Kereke, Shalom! A re rapeleng.

256 Sehlopha se sennyane se lego fa bjale. Ke—ke bile diiri tše pedi godimo—godimo ga wo monnyane wo Molaetša wa ngwaga wo moswa. Le bile le kgotlelelo. A go na le yo mongwe ka fa mosong wo, goba—goba morago ga sekgalela se, a ke re, yo a se na go Shalom, Khutšo yela yeo e boletšego, yeo e tsebagaditšego Lentšu la Modimo ge wena le Lentšu le e ba batee? Ge, ge Beibele e bolela Selo se sengwe, o re “aowa, go thata go dumela gore seo ke nnete,” gona ga o na Shalom. Ga o na khutšo le Modimo, ka gobane Lentšu la Gagwe le bolela Selo se sengwe gomme wena o ganetšana le Sona.

257 Gomme ge Lentšu le re, “Shalom, Khutšo,” gomme o na le Khutšo yeo, gore Lentšu le lengwe le le lengwe Modimo a le bolelago, o ka le kwagatša ka “amene,” gomme o a Le dumela. Gomme ge o Le bona le hlatsetšwa, o re, “Amene, leo ke Lentšu!” Eupša a thutotumelo, seetša, seetša sa maaka, lefase le swiela go putla ka go morithi wa seetša seo se bontšhwago go le fifaletša ntle, thutotumelo ye itšego, go re, “Aowa, ke—ke nagana seo—seo Seo e be e le sa se sengwe gape. Seo ga se re feela seo,” gomme efela Lentšu le a Se bolela? A o latela morithi wola, goba o tšwelela le Seetša sela?

258 Fa le go theipi, mang kapa mang a ka go theeletša go yona, e nagantšhiše feela sebakanyana. Gomme ge go na le yo mongwe a le gona fa yo a ka ratago, yo a se nago Seetša sela, a o ka emiša seatla sa gago go itsebiša ka bowena, gore o loketše go sepela ka go Seetša sela lehono. Gomme ge go le yo mongwe ntle ka go naga go fao theipi ye e tla yago, gore ga o na Sona, a o ka emiša seatla sa gago go Modimo thwi fao. . . Timang digatiši tša lena feela sebakanyana ge re rapela, e ya fase matolong a gago, gomme o re, “Morena Modimo, ke ile ka belaela, ke—ke dirile se. Ke naganne, ‘Gabotse, ka gobane kereke e boletše tšona dilo di

ka se kgone go ba, gomme *se* se ka se be.' Gomme, eupša ke a E bona e tshepišitšwe ka go Beibele, gomme ke bona dilo tše dintši kudu. Magodimo le ona a E kwalakwaditše, ka boyona. Gomme dilo tše tšeo di boletwago, di a direga feela tšwa. Gomme Modimo wa Legodimo o kwalakwatša selo sa go swana. Kafao, ke nyaka go e amogela bjale. A nke Lentšu la Modimo le tle ka gare ga ka. Gomme a nke ke tsene ka gare ga morethetho, wa go se theeletše seo kereke goba moreri a se bolelago; eupša a nke ke tsene ka go morethetho wa Lentšu, gomme ke bone seo Le se bolelago. Gomme a nke Le tliše go nna, go Semfoni ye kgolo ye ya Modimo, go rethelwa ntle ga thato ya Gagwe bophelong bja ka."

<sup>259</sup> Tatawešo wa Legodimong, bjale re tliša go Wena seatla se sengwe le se sengwe seo se lego godimo mogongwe le mogongwe. Gomme a nke Moya wo Mokgethwa wa Modimo o tliše go bona morethetho wa Lentšu le Therešo ya Lona, gore ba swanetše go bopša bjale go ba barwa le barwedi ba Modimo, gomme ba swanetše go bontšha Seetša sa Modimo godimo ga lefase. Ba swanetše go ba Lentšu le le bonagadišwego, gore banna le basadi ba swanetše go phela ka tsela ye Jesu a phetšego, gomme go—go dumela Lentšu le lengwe le le lengwe la Modimo le go phela ka Lona bjalo ka ge A dirile, ka gore O rile, "Motho a ka se phele ka borotho bo nnoši, eupša ka Lentšu le lengwe le le lengwe leo le tšwilego ntle ga molomo wa Modimo." E sego feela a se a makae a Mantšu, seripa sa Mantšu, eupša "ka lentšu le lengwe le le lengwe le tšwilego ntle molomong wa Modimo."

<sup>260</sup> Lentšu la nako ya Moshe ga se le šome mo matšatšing a nako ya Jesu. Lentšu, Lentšu mo matšatšing a baapostola ga le šome mo letšatšing le. Ke Lentšu leo le tshepišitšwego go letšatši le. Ba rile ka bobona, gomme ba e boletše ka Moya wo Mokgethwa, seo se tla diregago mo matšatšing a bofelo, kafao dikereke di tla bago tše thata, tša megopolo ye metelele, kafao seotswa se tla rotogago godimo gomme bommalegogwana ba tla ba thwi le yena, le ka fao ba tla fifatšago lefase. Gomme lebaka la mafelelo la kereke, Laodikia, Jesu o tla tlošwa ka go felela go tloga kerekeng.

<sup>261</sup> O Morena, a nke ke dule le Yena, Lentšu. Le go bonagatša Seetša sa Gagwe, ka rena ka moka, bjalo ka ge re dutše ka go ngwaga wo moswa wo, ka maikemišetšo. Go sa tsebje seo ngwaga o moswa o se swerego, eupša re swaretše go Yena, Lentšu, yo a tsebago Kwelobohloko yohle go tloga mathomong go ya mafelelong. O tseba mosepelo wo mongwe le wo mongwe le magahlano a mangwe le a mangwe. Gomme, Morena, re no ba re Mo šeditše, re beile mahlo a rena go Yena, Lentšu. Gona ge re bona dilo tše di tšwelela, re tseba gore re thwi ka go morethetho wa Lentšu. E fe. Phološa soulo ye nngwe le ye nngwe e lahlegilego, Morena, yeo fa, le yo mongwe le yo mongwe yo a kwago theipi. Re ba gafela go Wena, ka lebaka la Mmušo wa Gago, ka Leina la Jesu Kriste. Amene.

262 Bjale, go na le... Ke thabile go ba le lena mosong wo ka moka. Kafao, ke bile feela tlwa, ge e sa le e thoma, diiri tše pedi tlwa, go tloga go kotara go ya go lesometee, go fihla kotara go ya go ya pele. Ke boditše Meda. Ke rile, “Ke tla bowa ka masometharo a ya pele.” Bjale, ga re dumele go go tshela melao ya lebelo. Ga ke kgolwa re swanetše go dira seo, le a bona, go se dira. Bjale re a le leboga. Ke nyaka go re bjale...

263 Terry o timile theipi ya go gatiša ya gagwe, gobane yeo ke theipi e tee e yago ntle. Ke nagana *le* sa na le ya lena e raloka, seo se lokilego, le a bona, gobane ke ya go bolela le kereke.

264 Ka kgonthe ke a le thabela ka moka tlase fa. Gomme go na le dinako tše dintši ke nagana bjo ke botšhabelo bjo bonnyane go nna, go tla tlase fa ka thoko ya morago ya leganata, bjalo ka ge ke e bitša. Go tla morago go kgabola leganata, tselo morago godimo ka fa, le go lebelela go dikologa, go bona sehlopha se sennyane ntle fale ka tlase ga mehlare, thwi go bapa le noka. Gomme re ka thoko ya bohlabela bja noka bjale. Gomme ke—ke—ke tshepa gore Modimo o tla le šegofatša, yo mongwe le yo mongwe wa lena. Modimo, Shalom, e be le lena. Yeo ke khutšo ya Gagwe.

265 Gomme ke maswabi, ka kgonthe, go ba ke le swareletše ka mokgwa wo, eupša feela go hwetša theipi ya se bjale. Ge, ge Morena a ratile, se ke seo ke tla boelago ka ga, kua—kua Phoenix, Lamorena ka morago ga sekgalela. Morago, Mošupologo, ke ya, tše nnyane, tše kopana dikopano, le go ya pele. Ke rerile le pelo ya ka ngwaga wo, ge Morena a ratile... Ke—ke no sega le go gagola, go tloga lehlakoreng go ya lehlakoreng. Le a bona?

266 Gomme ka moka re a tseba yeo ke boitsebišo. Re tseba seo Kgogedi ya Boraro e lego. Ka moka re, ka moka re kwešiša seo. Bjale, le na le, le tla ba le theipi. Le a bona? Gomme ke nagana e tla no dula e kgosetše go lebakanyana le lennyane, go fihla iri ye kgolo ya tlhomaro e etla godimo. Ke gona ge e eba. E tla bolela. E tla bonagatšwa feela bjalo ka dika tše tlhano tša go lokologa ka ntle ga go palelwa, ka phethagalo. Gomme bjale ke a nagana, e no letang, le a bona, go bona seo e se dirilego. Bjale ke boela morago, sa go swana gape, go kgabola le go kgabola, go hwetša ntle.

267 Dikopano tše kopana. Ke ya go leka go ba le, go tšwa ntle bošego bjo bongwe le bjo bongwe, ka pela. Go ba feela bjalo ka metsotso ye masometharo, le go bolela ka se sengwe mabapi le phodišo ye Kgethwa goba se sengwe bjalo ka seo. Gomme neng kapa neng ke loketše go dira theipi gape, ke tla kitimela fase fa go thoko ya morago ya leganata, goba godimo kua taberenekeleng goba felotsoko fao le ka dirago theipi, fao re tla bago magareng a renabeng, nka kgona go bolela seo ke hlogogelago go, ka mokgwa woo. Eupša, le a bona, Jesu...

268 Elelwang. Le a bona? Ke swanetše go šetša. Ge ke bone bona batho feela ka go felelela, ka boikgogomošo ba sepelela kgole,

ke a nagana ke lekile go e hlagiša mosong wo. Ke kgotlompō ya leswiswi godimo ga bona. Ba ka se kgone go e thuša. Ke a ba swarela, le a bona, ka go se theetše. Gomme go boneng dilo tšeo Modimo a di dirilego, go le bjalo ga ba e dire. Ke sa rapela, “Modimo, ba swarele.” Gomme ke e ra go tšwa pelong ya ka. Ga ke e bolele ka gobane Mong wa ka o e boletše, eupša ke nyaka go kwa ka pelong ya ka, sa pele, gore ka kgonthe ke a dira.

269 Ga ke itlhokole ka bonna go tloga go batho. Ga ke nyake go dira seo. Le a bona? Ka gobane ke nna—ke nna . . . Ke na le Molaetša go bona, “phološo.” Ke swanetše go ya ntle magareng ga bona. Le a bona? Bjale, ke ya ntle le baboraro, le Mamethodist, Mabaptist, Malutheran, Pentacostal, Maseventh Day Adventist, le se sengwe le se sengwe gape. Ka gobane, ke nyaka go phološa seo se timetšego, ge nka kgona; go E tliša ka gare, go ba bontšha Seetša. Gomme Morena a be le lena.

270 Ke bile le sa—sa rena sehlopha se sennyane sa dikopano fa. Ga ke tsebe ge e ba le na le bona, goba aowa, peakanyo fa. Ge ba bangwe ba lena . . . Ke tla e tlogela e robetše fa. Modiša o tla le balela yona, fao re yago go kopana gona, gomme ge Morena a ratile. Ke gore, Morena a ratile. Ga ke na tlhahlo go bona, feela ga bonolo go ya ntle, go leka go dira e ka ba eng nka go kgona. Gomme ge le na le baratwa ba ba itšego go dikologa, gare fale, ba ka ratago go tla go ye nngwe ya dikopano, gobaneng, le ba ngwalela lengwalo le go ba botša go tla go ye nngwe ya dikopano tše.

271 Modimo a le šegofatše. Ke mo go bose go le bona, Ngwanešu Stricker le Kgaetšedi Stricker, le ka moka bohle ba lena batho fa. Bjale, ba bangwe ba bona, ga ke tsebe le maina a lena. Eupša ke—ke a le tseba ka bohlatse bja Moya wo Mokgethwa, gore le banešu le dikgaetšedi tša ka. Gomme—gomme lerato le tlhompho ya ka di go lena. Gomme ke boipshino bjo bogolo kudu, go ba tlase fa le lena.

272 Gomme ke tseba ka fao le—le bilego le matena a lena a beilwe fa, go ya go ba le kopanelo ye nnyane ya matena. Feela go duma ge nka be go kgonega nka be ke šala. Gomme—gomme ke a tseba go lokile. Ke—ke a tseba le na le baapei ba bakaonekaone mo nageng. Ke a tseba seo ke nnete. Eupša mohlomongwe ke tla hwetša ya ka go hambeka, ke eya godimo. Eupša, go le bjalo, ke na le dipeelano ke swanetšego go di dira. Nako ya ka e no beakanywa, ga nnyane *fa* le gannyane *fale*. Ka moka le a kwešiša, ke a kgolwa. [Phuthego e re, “Amene.”—Mor.] Ga se ka gobane ga ke nyake go šala. Modimo o tseba seo. Ke be nka se tle fase fa . . . Le a bona?

273 Yo mongwe o rile, “A o ka ya tlase kua le go rerela batho ba masometharo, ge o be o ka be o rera selo sa go swana go dikete tše lesome?” Ka kgonthe. Seo ga se dire phapano, bogolo. Ke nyaka go bona fao E amogelwago.



274 “Se lahleleng dipheta tša lena pele ga dikolobe. Di tla retologa gomme tša di gataka ka tlase ga dinao tša lena, gomme tša retologa tša le gagolela.” Le a bona? Eupša ga le lahlele dipheta tša lena pele fao.

275 Gomme ke ikwela seo, seo ke se bolelago fa, ga se go lahlela dipheta pele ga dikolobe. Ke nagana ke go bontšha, bana, mabje a bohlokwa ao e lego a bona. Le a bona? Le a bona? Ke kae mabje a bohlokwa a hwetšago nako ye nngwe? Ka lerageng le lerole.

276 Le kile la lemoga letšoba la lili, moo le tšwago gona? Thwi ntle ga botlase bja molete wa maraga wa mogobe. Gomme le a katana, mosegare le bošego, go itliša ka bolona go seetša. Eupša gatee ge le fihla go seetša, le thuthušetša ntle, gomme letšoba le lebotsebotse leo le lego gona kae kapa kae. Ke seo lili e lego. Le tla godimo go tšwa leroleng la lefase, le tšhila.

277 Fao ke mo mabje a bohlokwa a hwetšwago, a phuthetšwe godimo ntle fa ka go naga ya gauta ye ya setšhaba. Fao o hwetšago gauta ke ka fase leroleng. Fao o hwetšago dirubi le mabje a bohlokwa ke ka lerageng la lerole. Ka kgonthe feela gabotse. Fao ke mo ka moka re tšwago, lerageng le leroleng go tšwa lefaseng. Eupša tše fa . . .

278 Ke nna motsomi wa diepša. Naa motsomi wa diepša o dirang? O tsoma gauta. Gona, ge a dira, o a e phadimiša. Gomme o e itia godimo, le go e tološa, le go e dira e lokele.

279 Wo ke moepo wa Gauta. Le a bona? Ke lebeletše go kgabola fa, nako ka moka, go mabje a bohlokwa a mabotse. Le a bona? Go a hwetša ntle, felotsoko mo leroleng, gomme go a hlwekiša godimo. Gomme ka re, “Morena, šea ona. Šo ke ngwanešu. Šo ke Mokriste wa go tswalwa ka boswa. Šo ke yo mokaone, mohumagadi yo moswa. Šo ke yo mokaone, wa mengwaga ya magareng, mosadi wa kgale, wa ka, mosadi yo moswa, e ka ba eng e lego. Šeba fa, Morena. Ke bona mabje a bohlokwa a Gago. Ba bee godimo ga korone ya Gago, Morena. Ba tla phadima go ya go ile le go ile, ka mokgwa woo.”

Go fihlela ke le bona, Shalom. Khutšo ya Modimo le lena!

280 Go lokile, modiša, etla fa. Go lokile. Modimo a le šegofatše bjale. Ke tla le bona ka moka morago gannyane.



*SHALOM* NST64-0112  
(Shalom)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Janaware 12, 1964, mo Kopanong ya Lapeng ka Sierra Vista, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)